

P V B L I I  
O V I D I I  
N A S O N I S  
D E P O N T O  
L I B R I I V.



A M S T E L Æ D A M I,  
Apud I O A N N E M B L A E V,  
M. DC. XXXXIX.


1879

1 1 1 1 1 1 1

1 1 1 1 1 1 1

1 1 1 1 1 1 1

1 1 1 1 1 1 1



1 1 1 1 1 1 1

1 1 1 1 1 1 1

1 1 1 1 1 1 1

P. OVIDII NASONIS<sup>3</sup>  
DE P O N T O  
LIBER PRIMVS.

ELEGIA I.

Ad Brutum.



*A*so Tomitana jam non novus  
incola terra.

*Hoc tibi de Getico littore mittit  
opus.*

*Si vacat, hospitio peregrinos, Bru-  
te, libellos*

*Excipe, dumque aliquo, quolibet  
abde loco.*

*Publica non audent inter monumenta venire,*

*Ne suus hoc illis clausurit auctor iter.*

*Ah quoties dixi! certè nil turbe docetis,*

*Ite, patet castis versibus iste locus.*

*Nec tamen accedunt: sed, ut aspicias ipse, latere*

*Sub lare privato tutius esse putant:*

*Quaris, ubi hos possis nullo componere laso:*

*Qua steterant Artes, pars vacat illa tibi.*

*Quid veniat novitate roges fortasse sub ipsa,*

*Accipe, quodcunque est, dummodo non sit amor.*

*Invenies, quamvis non sit miserabilis index,*

*Non minus hoc illo triste, quod ante dedi.*

*Rebus idem, titulo differt: & Epistola, cui sit*

*Non occultato nomine missa, docet.*

*Nec vos hoc vultis, sed non prohibere potestis:*

*Musaque ad invitos officiosa venit.*

*Quicquid id est, adijunge meis : nil impedit ortos  
Exule, servatis legibus, urbe frui :*

*Quod metuas non est : Antoni scripta leguntur :  
Doctus & in promptu carmina Brutus habet.*

*Nec me nominibus furiosus confero tantis :*

*Sava Deos contra non tamen arma tuli.*

*Denique Casareo, quod non desiderat ipse,*

*Non caret è nostris ullus honore liber.*

*Si dubitas de me, laudes admitte Deorum,*

*Et carmen demito nomine sum : meum.*

*Adjuvat in bello pacata ramus oliva :*

*Proderit auctorem pacis habere nihil ?*

*Cum foret Ænea cervix subjecta parenti,*

*Dicitur ipsa viro flamma dedisse viam.*

*Fert liber Æneaden, & non iter omne patebit ?*

*At patria pater hic, ipsius ille fuit.*

*Ecquis ita est audax, ut limine cogat abire*

*lactantem Pharia tinnula sinistra manu ?*

*Ante Deum matrem cornu tibicen adiunco*

*Cum canit, exigua quis stipis ara neget ?*

*Scimus ab imperio fieri nil tale Diana :*

*Vnde tamen vivat, vaticinator habet.*

*Ipsa movent animos superiorum numina nostros,*

*Turpe nec est tali credulitate capi.*

*En ego pro sistro, Phrygiique foramine buxi,*

*Gentis lulea numina sacra fero.*

*Vaticinor, moneoque : locum date sacra ferenti :*

*Non mihi, sed magno poscitur ille Deo.*

*Nec quia vel merui, vel sensi Principis iram,*

*A nobis ipsum nolle putate coli.*

*Vidi ego linigera numen violasse fatentem*

*Isidus, Isiacos ante sedere focos.*

*Alter ob huic similem privatus lumine culpam,*

*Clamabat media se meruisse via.*

*Talia caelestes fieri praconia gaudent,*

*Ut sua quid valeant numina, teste probent.*

*Sape levant pœnas ereptaque lumina reddunt,  
 Cum bene peccati pœnituisse vident.  
 Pœnitet ô, si quid miserorum creditur ulli,  
 Pœnitet, & factò torqueor ipse meo.  
 Cumque sit exilium, magis est mihi culpa dolori:  
 Estque pati pœnam, quam meruisse, minus.  
 Vt mihi Dii faveant, quibus est manifestior ipse,  
 Pœna potest demi, culpa perennis erit.  
 Mors faciet certe, ne sim, cum venerit, exsul:  
 Ne non peccarim, mors quoque non faciet.  
 Non igitur mirum est, si mens mea tabida facta  
 De nive manantis morè liqueat aqua.  
 Estur ut occulta vitiata putredine navi,  
 Æquoreos scopulos ut cavat unda sauis:  
 Reditur ut scabra positum rubigine ferrum,  
 Conditus ut tinea carpitur ore liber:  
 Sic mea perpetuos curarum pectora morsus,  
 Fine quibus nullo conficiantur, habent.  
 Nec prius hi mentem stimuli, quam vita, relinquent:  
 Quisque dolet, citius, quam dolor ipse, cadet.  
 Hoc mihi si superi, quorum sumus, omnia credent,  
 Forsitan exigua dignus habebor ope.  
 Inque locum Scythico vacuum mutabor ab arcu:  
 Plus isto duri, si precor, oris ero.*

## ELEGIA II.

Ad Maximum.

**M***axime qui tanti mensuram nominis imples,  
 Et geminas animi nobilitate genus.  
 Qui nasci ut posses, quamvis cecidere trecenti,  
 Non omnes Fabios abstulit una dies:  
 Forsitan hæc à quo mittatur epistola queras,  
 Quisque loquar tecum, certior esse velis.  
 Hei mihi, quid faciam? vereor, ne, nomine lecto,  
 Durus, & aversa cetera mente legas.*

Viderit hac si quis, tibi me scripsisse fateri  
Audebo, & propriis ingemuisset malis.  
Viderit: audebo tibi me scripsisse fateri,  
Atque modum culpa notificare mea.  
Qui dignum poena cum me graviore fuisse  
Confitear, possum vix graviora pati.  
Hostibus in mediis, interque pericula versor,  
Tanquam cum patria pax sit adempta mihi.  
Qui mortis seruo geminent ut vulnere causas,  
Omnia vipereo spicula felle linunt.  
His eques instructus perterrita moenia lustrat,  
More lupi clausas circumeuntis oves.  
At semel intentus nervo levis arcus equino,  
Vincula semper habens irresoluta manet.  
Tecta rigent fixis veluti vallata sagittis,  
Portaque vix firma summovet arma sera.  
Adde loci faciem nec fronde nec arbore tecti,  
Et quod iners hyemi continuatur hyems.  
Hic me pugnantem cum frigore, cumque sagittis,  
Cumque meo fato, quarta fatigat hyems.  
Fine carent lacryma, nisi cum stupor obstitit illis,  
Et similis morti corpora torpor habet.  
Felicem Nioben, quamvis tot funera vidit,  
Qua posuit sensum saxea facta malis.  
Vos quoque felices, quarum clamantia fratrem  
Cortice velavit populus ora novo.  
Ille ego sum, lignum qui non admittor in ullum:  
Ille ego sum, frustra qui lapis esse velim.  
Ipsa Medusa oculis veniat licet obvia nostris,  
Amittet vires protinus ipsa suas.  
Vivimus, ut nunquam sensu careamus amaro,  
Et gravior longa sit mea poena mora.  
Sic inconsumtum Tityri, semperque renascens  
Non perit, ut possit saepe perire, jecur.  
At puto, cum requies, medicinaque publica cura  
Somnus adest, solitis nox venit orba malis.

*Somnia me terrent veros imitantia casus,  
 Et vigilant sensus in mea damna mei.  
 Aut ego Sarmaticas videor vitare sagittas,  
 Aut dare captivas in fera vincla manus.  
 Aut ubi decipior melioris imagine somni,  
 Aspicio patria tecta relicta mea.  
 Et modo vobiscum, quos sum veneratus, amici,  
 Et modo cum cara conjuge multa loquor.  
 Sic, ubi percepta est brevis & non vera voluptas,  
 Pejor ab admonitu fit status ille boni.  
 Sive dies igitur caput hoc miserabile cernit,  
 Sive pruinoſe noctis aguntur equi:  
 Sic mea perpetuis liqueſcunt pectora curis,  
 Ignibus admotis ut nova cera ſolet.  
 Sæpe precor mortem, mortem quoque deprecor idem,  
 Ne mea Sarmaticum contegat oſſa ſolum.  
 Cum ſubit, Auſtuſti qua ſit clementia, credo  
 Mollia naufragiis littora poſſe dari.  
 Cum video quam ſint mea fata tenacia, frangor:  
 Spesque levis magno victa timore cadit.  
 Nec tamen ulterius quicquam ſperove, precorve,  
 Quam male mutato poſſe carere loco.  
 Aut hoc, aut nihil eſt, pro me tentare modeſte  
 Gratia quod ſalvo veſtra pudore queat.*

## ELEGIA III.

Ad Maximum.

*S*uſcipe Romana facundia, Maxime, lingua  
 Difficilis cauſa mite patrociniũ.  
 Eſt mala, ( confiteor ) ſed te bona fiet agente:  
 Lenia pro miſera fac modo verba fuga.  
 Nescit enim Cæſar, quamvis Deus omnia norit,  
 Ultimus hic qua ſit conditione locus.  
 Magna tenent illud numen molimina rerum:  
 Hac eſt caeleſti pectore cura minor.

Non vacat, in qua sint positi regione Tomita,  
Quarere, finitimo vix loca nota Geta:  
Aut quid Sauromata faciant, quid Iazyges acres,  
Cultaque Orestea Taurica terra Dea:  
Quaque alia gentes, ubi frigore constitit Ister,  
Dura meant celeri terga per amnis equo.  
Maxima pars hominum nec te pulcherrima curat  
Roma, nec Ausonii militis arma timet.  
Dant illis animos arcus, plenaque pharetra,  
Quamque libet longis cursibus aptus equus.  
Quodque sitim didicere diu tolerare famemque,  
Quodque sequens nullas hostis habebit aquas.  
Ira viri mitis non me misisset in istam,  
Si satis hac illi nota fuisset humus.  
Nec me, nec quemquam Romanum gaudet ab hoste,  
Meque minus, vitam cui dedit ipse, capi.  
Noluit, ut poterat, minimo me perdere nutu:  
Nil opus est ullis in mea fata Getis.  
Sed neq; cur morerer, quidquā mihi comperit actum:  
Et minus infestus, quam fuit, esse potest.  
Tunc quoque nil fecit, nisi quod facere ipse coēgi,  
Pœne etiam merito parcior ira meo est.  
Dii faciant igitur, quorum mitissimus ille est,  
Alma nihil majus Casare terra ferat,  
Utque diu sub eo, sic sit sub Casare terra,  
Perque manus hujus tradita gentis eant.  
At tu tam placido, quam nos quoque sensimus illum,  
Iudice, pro lacrymis ora resolve meis.  
Non petis, ut bene sit, sed uti male tutius, utque  
Exilium salvo distet ab hoste meum:  
Quamque dedere mihi præsentia numina vitam,  
Non adimat stricto squalidus ense Getes.  
Denique si moriar, subeam pacatius arvum,  
Ossa nec à Scythica nostra premantur humo.  
Nec male compositos, ut scilicet exsule dignum est,  
Eislonii cineres ungula pulset equi:



Et ne, si superest aliquis post funera sensus,  
 Terreat ut manes Sarmatis umbra meos.  
 Caesaris hac animum poterant audita movere,  
 Maxime, movissent si tamen ante tuum.  
 Vox precor Augustas pro me tua molliat aures,  
 Auxilio trepidis qua solet esse reis.  
 Assuetaque tibi docta dulcedine lingua  
 Æquandi superis pectora flecte viri.  
 Non tibi Theromedon, crudusque rogabitur Atreus,  
 Quique suis homines pabula fecit equis:  
 Sed piger ad pœnas Princeps, ad premia velox;  
 Quique dolet, quoties cogitur esse ferox.  
 Qui vincit semper, victis ut parcere possit,  
 Clausit & æterna civica bella sera.  
 Multa metu pœna, pœna qui pauca cœrcet,  
 Et jacet invita fulmina rara manu.  
 Ergo tam placidas orator missus ad aures,  
 Ut propior patria sit fuga nostra, roga.  
 Ille ego sum, qui te colui: quem festa solebat  
 Inter convivas mensa videre tuos.  
 Ille ego, qui duxi vestros Hymenæon ad ignes,  
 Et cecini fausto carmina digna tōro.  
 Cujus te solitum memini laudare libellos,  
 Exceptis, domino qui nocuere suo.  
 Cui tua nonnunquam miranti scripta legebas:  
 Ille ego de vestra cui data nupta domo est.  
 Hanc probat, & primo dilectam semper ab ævo  
 Est inter comites Marcia censa suas.  
 Inque suis habuit matertera Caesaris ante:  
 Quarum judicio si qua probata, proba est.  
 Ipsa sua melior fama, laudantibus istis,  
 Claudia divina non eguisset ope.  
 Nos quoque præteritos sine labe peregimus annos,  
 Proxima pars vite transfilienda mea est.  
 Sed de me ut sileam, conjunx mea sarcina vestra est:  
 Non potes hanc salva dissimulare fide.

*Confugit hac ad vos, vestrasque amplectitur aras,  
 ( Iure venit cultos ad sibi quisque Deos )  
 Flensque rogat, precibus lenito Casare vestris,  
 Basta sui fiant ut propiora viri.*

## E L E G I A I V,

Ad Rufinum.

**H***Anc tibi Naso tuus mittit, Rufine, salutem :  
 Qui miser est, ulli si suus esse potest.  
 Reddita confusa nuper solatia menti,  
 Auxilium nostris spemque tulere malis :  
 Utque Machaoniis Paantiis artibus heros  
 Lenito medicam vulnere sensit opem :  
 Sic ego mente jacens, & acerbo saucius ictu,  
 Admonitu cœpi fortior esse tuo.  
 Et jam deficiens sic ad tua verba revixi,  
 Ut solet infuso vena redire mero.  
 Nec tamen exhibuit tantas facundia vires,  
 Ut mea sint dictis pectora sana tuis.  
 Ut multum demas nostro de pectore cura,  
 Non minus exhausto, quod superabit, erit.  
 Tempore ducetur longo fortasse cicatrix,  
 Horrent admotas vulnera cruda manus.  
 Non est in medico semper, relevetur ut ager :  
 Interdum docta plus valet arte malum.  
 Cernis, ut è molli sanguis pulmone remissus  
 Ad Stygias certo limite ducat aquas.  
 Afferat ipse licet sacras Epidaurius herbas,  
 Sanabit nulla vulnera cordis ope.  
 Tollere nodosam nescit medicina podagram,  
 Nec formidatis auxiliatur aquis.  
 Cura quoque interdum nulla est medicabilis arte :  
 Aut, si sit, longa est attenuanda mora.  
 Cum bene firmarunt animum præcepta jacentem,  
 Sumtaque sunt nobis pectoris arma tui :*

Rursus

Rursus amor patria ratione valentior omni,  
Quod tua fecerunt scripta, retexit opus.  
Sive pium vis hoc, seu vis muliebri vocari,  
Confiteor misero molle cor esse mihi.  
Non dubia est Ithaci prudentia: sed tamen optat  
Fumum de patriis posse videre focis.  
Nescio qua natale solum dulcedine cunctos  
Ducit, & immemores non sinit esse sui.  
Quid melius Roma? Scythico quid frigore pejus?  
Huc tamen ex illa barbarus urbe fugit.  
Cum bene sint clausa cavea Pandione nata,  
Nititur in sylvas quaque redire suas.  
Assuetos tauri saltus, assueta leones  
( Nec feritas illos impedit ) antra petunt.  
Tu tamen exilii morsus ex pectore nostro  
Fomentis speras cedere posse tuis.  
Effice, vos ipsi ne tam mihi sitis amandi,  
Talibus ut levius sit caruisse malum.  
At puto, qua fueram genitus tellure, carenti,  
In tamen humano contigit esse loco.  
Orbis in extremi jaceo desertus arenis,  
Fert ubi perpetuas obruta terra nives.  
Non ager hic pomum, non dulces educat uvas,  
Non salices ripa, robora monte virent.  
Neve fretum laudes terra magis, aquora semper  
Ventorum rabie solibus orba tument.  
Quocunque aspicias, campi cultore carentes,  
Vastaque, qua nemo vindicet, arva jacent.  
Hostis adest dextra laevaque à parte timendus,  
Vicinoque metu terret utrumque latus.  
Altera Bistonias pars est sensura sagittas,  
Altera Sarmatica spicula missa manu.  
I nunc, & veterum nobis exempla virorum,  
Qui forti casum mente tulere, refer.  
Et grave magnanimi robur mirare Rutili,  
Non usi redditus conditione dati.

*Smyrna virum tenuit, non Pontus & hostica tellus:  
 Smyrna minus nullo pane petenda loco.  
 Non doluit patria Cynicus procul esse Sinopeus,  
 Legit enim sedes Attica terra tuas.  
 Arma Neoclides qui Persica contudit armis,  
 Argolica primam sensit in urbe fugam.  
 Pulsus Aristides patria, Lacedaemona fugit,  
 Inter quas dubium, qua prior esset, erat.  
 Cade puer facta Patroclus Opunta reliquit,  
 Thessalicamque adiit hospes Achilles humum.  
 Exul ab Æmonia Pirenida cessit ad undam,  
 Quo duce trabs Colcha sacra cucurrit aqua.  
 Liquit Agenorides Sidonia mœnia Cadmus,  
 Poneret ut muros in meliore loco.  
 Venit ad Adrastum Tydeus Calydone fugatus:  
 Et Teucrum Veneri grata recepit humus.  
 Quid referam veteres Romana gentis, apud quos  
 Exsulibus tellus ultima Tybur erat?  
 Persequar ut cunctos, nulli datus omnibus avis  
 Tam procul à patria est, horridiorve locus.  
 Quo magis ignoscat sapientia vestra dolenti,  
 Qua facit ex dictis non ita multa tuis.  
 Nec tamen inficior, si possint nostra coire  
 Vulnera, praeceptis posse coire tuis.  
 Sed vereor, ne me frustra sanare labores,  
 Nec iuver admota perditus ager ope.  
 Nec loquor hac, quia sit major prudentia nobis,  
 Sed sim quam medico, notior ipse mihi.  
 Ut tamen hoc ita sit, munus tua grande voluntas  
 Ad me pervenit, consulique boni.*

## E L E G I A V.

Ad Vxorem.

**I**am mihi deterior canis aspergitur atas:  
 Iamque meos vultus ruga senilis arat,

Iam

Iam vigor, & quasso languent in corpore vires,  
Nec juveni lusus, qui placuere, juvant.  
Nec me, si subito videas, cognoscere possis:  
Ætatis facta est tanta ruina mea.  
Confiteor facere hoc annos: sed & altera causa est,  
Anxietas animi, continuusque labor.  
Nam mea per longos si quis male digerat annos,  
Crede mihi, Pyllo Nestore major ero.  
Cernis, ut in duris ( & quid bove firmitus? ) arvis  
Fortia taurorum corpora frangat opus?  
Quæ nunquam vacuo solita est cessare novali,  
Fructibus assiduus lassæ senescit humus.  
Occidit, ad Circi si quis certamina semper  
Non intermissis cursibus ibit equus.  
Firma sit illa licet, solvetur in aquore navis,  
Quæ nunquam liquidis sicca carebit aquis:  
Me quoque debilitat series immensa laborum:  
Ante meum tempus cogor & esse senex.  
Otia corpus alunt, animus quoque pascitur illis:  
Immodicus contra carpit utrumque labor.  
Aspice in has partes quod venerit Æsone natus,  
Quam laudem à sera posteritate ferat.  
At labor illius nostro leviorque minorque,  
Si modo non verum nomina magna premunt.  
Ille est in Pontum Pelia mittente profectus,  
Qui vix Thessalia sine timendus erat.  
Cæsaris ira mihi nocuit, quem Solis ab ortu,  
Solis ad occasus, utraque terra timet.  
Iunctior Æmonia est Ponto, quam Roma sit Istro:  
Et brevius, quam nos, ille peregit iter.  
Ille habuit comites primos telluris Achivæ:  
At nostram cuncti deseruere fugam.  
Nos fragili ligno vastum sulcavimus aquor:  
Quæ tulit Æsoniden, firma carina fuit.  
Nec mihi Tiphys erat rector, nec Amyntore natus  
Quas fugerem docuit, quas sequereturque vias.

Illum tutata est cum Pallade regia Iuno,  
 Defendere meum numina nulla caput.  
 Illum furtiva juvare Cupiâinis artes,  
 Quas à me vellem non didicisset amans.  
 Ille domum rediit, nos his moriemur in arvis,  
 Perstiterit lasi si gravis ira Dei.  
 Durius est igitur nostrum, fidissima conjux,  
 Illo, quod subiit Æsone natus, opus.  
 Te quoque, quam juvenem discedens urbe reliqui,  
 Credibile est nostris insensuisse malis.  
 O ego, Dii faciant, talem te cernere possim,  
 Caraque mutatis oscula ferre comis.  
 Amplectique meis corpus non pingue lacertis,  
 Et gracile hoc fecit dicere cura mei.  
 Et narrare meos flenti flens ipse dolores,  
 Sperato nunquam colloquioque frui.  
 Thuraque Caesaribus cum conjuge Casare digna,  
 Diis veris memori debita ferre manu.  
 Memnonis hanc utinam, lenito Casare, mater  
 Quam primum roseo provocet ore diem.

## E L E G I A VI.

Ad Maximum.

**I**lle tuos quondam non ultimus inter amicos,  
 Vt sua verba legas, Maxime, Naso rogat.  
 In quibus ingenium desiste requirere nostrum,  
 Nescius exilii ne videare mei.  
 Cernis ut ignavum corrumpant otia corpus?  
 Vt capiant vitium, ni moveantur, aqua?  
 Sic mihi, si quis erat dicendi carminis usus,  
 Deficit, estque minor factus inerte situ.  
 Hac quoque qua legitis si quid mihi, Maxime, credis:  
 Scribimus invita, vixque coacta, manu.  
 Non libet in tales animum contendere curas:  
 Nec venit in duros Musa vocata Getas.

*Vt tamen ipse vides, luctor deducere versum,  
Sed non fit fato mollior ipse meo.  
Cum relego, scripsisse pudet: quia plurima cerno,  
Me quoque, qui feci, iudice digna lini.  
Nec tamen emendo: labor hic, quam scribere major  
Mensque pati durum sustinet agra nihil.  
Scilicet incipiam lima mordacius uti,  
Vt sub iudicium singula verba vocem?  
Torquet enim fortuna parum: nisi Lychus in Hebrū  
Confluat? & frondes Alpibus addat Athos?  
Parcendum est animo miserabile vulnus habenti:  
Subducunt oneri colla perusta boves.  
At puto fructus adest, justissima causa laborum,  
Et sata cum multo fœnore reddit ager.  
Tempus ad hoc nobis (repetas licet omnia) nullum  
Profuit, atque utinam non nocuisset, opus.  
Cur igitur scribam miraris? miror & ipse,  
Et tecum quaro sape quid inde petam.  
An populus vere sanos negat esse poëtas?  
Sumque fides huius maxima vocis ego?  
Qui sterili cum sim toties deceptus ab arvo,  
Damnosa persto condere semen humo.  
Scilicet est cupidus studiorum quisque suorum,  
Tempus & assueta ponere in arte iuvat.  
Saucius ejurat pugnās gladiator, & idem  
Immemor antiqui vulneris, arma capit.  
Nil sibi cum pelagi dicit fore naufragus undis,  
Et ducit remos, qua modo navit aqua.  
Sic ego constanter studium non utile servo:  
Et repeto, nollem quas coluisse, Deas.  
Quid potius faciam? non sum qui segnia ducam  
Otia: mors nobis tempus habetur iners.  
Nec iuvat in lucem nimio marcescere vino,  
Nec tenet incertās alea blanda manus.  
Cum dedimus somno, quas corpus postulat, horas,  
Quo ponam vigilans tempora longa modo?*

Moris an oblitus patrii contendere discam  
Sarmaticos arcus ? & trahar arte loci ?  
Hoc quoque me studium prohibent assumere vires,  
Mensque magis gracili corpore nostra valet.  
Cum bene quasieris, quid agam : magis utile nil est  
Artibus iis, quæ nil utilitatis habent.  
Consequor ex illis casus obliviam nostri :  
Hanc messem satis est si mea reddit humus.  
Gloria vos acuat : vos, ut recitata probentur  
Carmina, Pieriis invigilate choris.  
Quod venit ex facili, satis est componere nobis,  
Et nimis intenti causa laboris abest.  
Cur ego sollicita poliam mea carmina cura ?  
An verear, ne non approbet illa Getes ?  
Forsitan audacter faciam, sed glorior Istrum  
Ingenio nullum majus habere meo.  
Hoc, ubi vivendum est, satis est si consequor, arvo,  
Inter inhumanos esse pœta Getas.  
Quid mihi diversum fama contendere in orbem ?  
Quem fortuna dedit, Roma sit ille locus.  
Hoc mea contenta est infelix Musa theatro :  
Sic merui, magni sic voluere Dei.  
Nec reor hinc istuc nostris iter esse libellis,  
Quo Boreas penna deficiente venit.  
Dividimur calo, quaque est procul urbe Quirini,  
Aspicit hirsutos comminus Vrsa Getas.  
Per tantum terra, tot aquas, vix credere possum  
Indicium studii transiluisse mei.  
Finge legi, quodque est mirabile, finge placere :  
Auctorem certe res juvat ista nihil.  
Quid tibi si calida prosit laudare Syene,  
Aut ubi Taprobanen Indica tingit aqua ?  
Altius ire libet : si te distantia longe  
Pleiadum laudent signa, quid inde feres ?  
Sed neque pervenio scriptis melioribus istuc,  
Famaque cum domino fugit ab urbe suo.

Vosque



*Vosque quibus perii, tunc cum mea fama sepulta est,  
Nunc quoque de nostra morte tacere reor.*

## ELEGIA VII.

*Ad Græcinum.*

**E***Cquid ut audisti ( nam te diversa tenebat  
Terra ) meos casus , cor tibi triste fuit ?  
Dissimules, metuasque licet , Gracine , fateri,  
( Si bene te novi ) triste fuisse liquet.  
Non cadit in mores feritas inamabilis istos ;  
Nec minus à studiis dissidet ista tuis.  
Artibus ingenuis, quarum tibi maxima cura est,  
Pectora mollescent, asperitasque fugit.  
Nec quisquam meliore fide complectitur illas,  
Quam sinit officium , militiaque labor.  
Certe ego cum primum potui sentire quid essem,  
( Nam fuit attonito mens mihi nulla diu )  
Hanc quoque fortunam sensi, quod amicus abesses.  
Qui mihi presidium grande futurus eras.  
Tecum nunc aberant agra solatia mentis,  
Magnaque pars animi consilique mei.  
At nunc, quod superest, ser opem precor eminus unam,  
Alloquioque iuva pectora nostra tuo.  
Qua ( non mendaci si quicquam credis amico )  
Stulta magis dici, quam scelerata, decet.  
Nec breve, nec tutum est, peccati qua sit origo,  
Scribere : tractari vulnera nostra timent.  
Qualicumque modo mihi sint ea facta , rogare  
Desine : non agites , si qua coire velis.  
Quicquid id est, ut non facinus, sic culpa vocanda est:  
Omnis at in magnos culpa deos scelus est.  
Spes igitur pœna menti, Gracine , levanda  
Non est ex toto nulla relicta mea.  
Hæc Dea, cum fugerent sceleratas numina terras,  
In diis invisæ sola remansit humo.*

*Hæc*

Hac facit, ut vivat fossor quoque compede vinctus,  
 Liberaque à ferro crura futura putet.  
 Hac facit, ut videat cum terras undique nullas;  
 Naufragus in mediis brachia jactet aquis.  
 Sape aliquem solers medicorum cura relinquit,  
 Nec spes huic vena deficiente cadit.  
 Carcere dicuntur clausi sperare salutem,  
 Atque aliquis pendens in cruce, vota facit.  
 Hac Dea quam multos laqueo sua colla ligantes;  
 Non est proposita passa perire nece?  
 Me quoque conantem gladio finire dolorem  
 Arcuit, injecta continuitque manu.  
 Quidque facis? lacrymis opus est, non sanguine, dixit:  
 Sape per has flecti Principis ira solet.  
 Quamvis est igitur meritis indebita nostris,  
 Magna tamen spes est in bonitate Dei.  
 Qui ne difficilis mihi sit, Gracine, precare:  
 Confer & in votum tu quoque verba meum.  
 Inque Tomitana jaceam tumultatus arena,  
 Si te non nobis ista vovere liquet.  
 Nam prius incipient turres vitare columba,  
 Antra fera, pecudes gramina, mergus aquas:  
 Quam male si praestet veteri Gracinus amico:  
 Non ita sunt fatis omnia versa meis.

## E L E G I A V I I I.

Ad Messalinum.

I ttera pro verbis tibi, Messaline, salutem,  
 Quam legis, à sevis attulit usque Getis.  
 Indicat auctorem locus? an, nisi nomine lecto,  
 Hac me Nasonem scribere verba latet?  
 Ecquis in extremo positus jacet orbe tuorum,  
 Me tamen excepto, qui precor esse tuus?  
 Dii procul à cunctis, qui te venerantur, amantque,  
 Hujus notitiam gentis abesse velint.

Nos

Nos satis est inter glaciem, Scythicasque sagittas  
Vivere, si vita est mortis habenda genus.  
Non premat aut bello tellus, aut frigore calum,  
Truxque Getes armis, grandine pugnet hyems:  
Nos habeat regio nec pomis foeta, nec uvis,  
Et cujus nullum cessat ab hoste latus:  
Cetera sit sospes cultorum turba tuorum,  
In quibus, ut populo, pars ego parva fui.  
Me miserum, si tu verbis offenderis istis,  
Nosque negas ulla parte fuisse tuos.  
Utque sit hoc verum, mentito ignoscere debes:  
Nil demit laudi gloria nostra tua.  
Quis se Caesaribus notum non fingit amicum?  
Da veniam fasso, tu mihi Caesar eris.  
Nec tamen irrumpe, quo non licet ire, satisque est,  
Atria si nobis non patuisse negas.  
Utque tibi fuerit mecum nihil amplius, uno  
Nempe salutaris, quam prius, ore minus.  
Nec tuus est genitor nos inficiatus amicos,  
Hortator studii, causaeque, faxque mei.  
Cui nos & lacrymas, supremum in funere munus,  
Et dedimus medio scripta canenda foro.  
Adde, quod est frater tanto mihi junctus amore,  
Quantus in Atreidis, Tyndaridisque fuit:  
Is me nec comitem, nec dedignatus amicum est:  
Si tamen hac illi non nocitura putas.  
Sin minus, hac quoque me mendacem parte fatebor:  
Clausula mihi potius tota sit illa domus.  
Sed neque claudenda est: & nulla potentia vires  
Praestandi, ne quid peccet amicus, habet.  
Et tamen ut cuperem, culpam quoque posse negari,  
Sic facinus nemo nescit abesse mihi.  
Quod nisi delicti pars excusabilis esset,  
Parva relegati poena futura fuit.  
Ipse sed hoc vidit, qui praevidet omnia, Caesar,  
Stultitiam dici crimina posse mea.

Quaque

Quaque ego permisi, quaque est res passa, pepercit :  
 Vfus est modice fulminis igne sui.  
 Nec vitam, nec opes, nec ademit posse reuerti :  
 Si sua per vestras victa sit ira preces.  
 At graviter cecidi : quid enim mirabile, si quis  
 A Ioue percussus non leue vulnus habet ?  
 Ipse suas quamvis vires inhiberet Achilles,  
 Missa graves ictus Pelias hasta dabat.  
 Iudicium nobis igitur cum vindicis adsit,  
 Non est cur tua me janua nosse neget.  
 Culta quidem, fateor, citra quam debuit, illa est :  
 Sed fuit in fatis hoc quoque, credo, meis :  
 Nec tamen officium sensit domus altera nostrum :  
 Hic illic vestro sub lare semper eram.  
 Quaque tua est pietas, ut te non excolat ipsum,  
 Ius aliquod tecum fratris amicus habet.  
 Quid ? quod ut emeritis referenda est gratia semper,  
 Sic est fortuna promeruisse tua.  
 Quod si promittis nobis suadere quid optes,  
 Vt des, quam reddas, plura precare Deos.  
 Idque facis, quantumque licet meminisse, solebas  
 Officiis caussa pluribus esse dati,  
 Quolibet in numero me Messaline repone,  
 Sim modo pars vestra non aliena domus.  
 Et mala Nasone, quoniam meruisse videtur.  
 Si non ferre doles, at meruisse dole.

## ELEGIA IX.

Ad Severum.

**A** Tibi dilecto missam Nasone salutem  
 Accipe, pars anima magna, Severe, mea.  
 Neve roga quid agam; si persequar omnia, flebis :  
 Summa satis nostri sit tibi nota mali.  
 Vivimus assiduus expertes pacis in armis,  
 Dura pharetrato bella movente Geta.

Deque

Deque tot expulsis sum miles in exule solus :  
 Tuta ( neque invideo ) cetera turba latet.  
 Quoque magis nostros venia dignere libellos,  
 Hac in procinctu carmina facta leges.  
 Stat vetus urbs, ripa vicina binominis Istri,  
 Moenibus, & positu vix adeunda loci.  
 Caspius Ægyptus, de se si creditur ipsis,  
 Condidit, & proprio nomine dixit opus.  
 Hanc ferus Odrisiis inopino Marte peremptis  
 Cepit, & in regem sustulit arma Getes.  
 Ille memor magni generis, virtute quod auget,  
 Protinus innumero milite cinctus adest.  
 Nec prius abscessit, merita quam cade nocentum  
 Se nimis ulciscens extitit ille nocens.  
 At tibi rex ævo detur fortissime nostro,  
 Semper honorata sceptrum tenere manu.  
 Teq; quod & præstat, (quid enim tibi plenius optem?)  
 Martia cum magno Casare Roma probet.  
 Sed memor unde abii, queror, ô jucunde sodalis,  
 Accedant nostris sæva quod arma malis.  
 Vt careo vobis Scythicas detrusus in oras,  
 Quatuor auctumnos Pleias orta facit.  
 Nec tu credideris urbana commoda vita  
 Quarere Nasonem, quarit & illa tamen.  
 Nam modo vos animo dulces reminiscor amici :  
 Nunc mihi cum cara conjuge nata subit.  
 Aquæ domo rursus pulcra loca vertor ad urbis,  
 Cunctaque mens oculis prævidet illa suis.  
 Nunc fora, nunc edes, nunc marmore tecta theatra,  
 Nunc subit æquata porticus omnis humo.  
 Gramina nunc campi pulcros spectantis in hortos,  
 Stagnaque, & Euripi, virgineusque liquor.  
 At ( puto ) sic urbis misero est erepta voluptas,  
 Quolibet ut saltem rure frui liceat.  
 Non meus amissos animus desiderat agros,  
 Ruræque Peligno conspicienda solo :

*Nec quos promiseris positos in montibus hortos  
Spectat Flaminia Claudia juncta via.  
Quos ego nescio cui colui, quibus ipse solebam  
Ad sata fontanas (nec pudet) addere aquas.  
Sunt ibi, si vivunt, nostra quoque consita quadam,  
Sed non & nostra poma legenda manu.  
Pro quibus amissis, utinam contingere posset  
Hic saltem profugo gleba colenda mihi.  
Ipse ego pendentes (liceat modo) rupe capellas,  
Ipse velim baculo pascere nixus oves.  
Ipse ego, ne solitis insistant pectora curis,  
Ducam ruricolae sub juga panda boves.  
Et discam, Getici qua norunt verba juvenci,  
Assuetas illis adjiciamque minas.  
Ipse manu capulum pressi moderator aratri,  
Experiar mota spargere semen humo.  
Nec dubitem longis purgare ligonibus arva,  
Et dare, quas sitiens jam bibat hortus, aquas.  
Vnde sed hoc nobis? minimum quos inter, & hostem  
Discrimen murus, clausaque porta facit?  
At tibi nascenti (quod toto pectore lator)  
Nerunt fatales fortia fila Deae.  
Te modo campus habet, densa modo porticus umbras:  
Nunc, in quo ponis tempora rara, forum.  
Umbria te revocat, nec non Albana petentem,  
Appia ferventi ducit in arva rota.  
Forsitam hoc optes, ut justam supprimat iram  
Caesar, & hospitium sit tua villa meum.  
Ah nimium est, quod amice petis, moderantius opta,  
Et voti (quaso) contrahe vela tui.  
Terra velim propior, nullique obnoxia bello  
Detur, erit nostris pars bona demta malis.*

## ELEGIA X.

Ad Maximum.

**Q**ua mihi de raptō tua venit epistola Celso,  
Protinus est lacrymis humida facta meis :  
Quodque nefas dictu, fieri nec posse putavi,  
Invitis oculis littera lecta tua est.  
Nec quidquam ad nostras pervenit acerbius aures,  
Vt sumus in Ponto, perveniatque precor.  
Ante meos oculos tanquam presentis imago  
Haret, & extinctum vivere fingit amor.  
Sape refert animus lusus gravitate carentes,  
Seria cum liquida saepe peracta fide.  
Nulla tamen subeunt mihi tempora densius istis,  
Qua vellem vita summa fuisse mea.  
Cum domus ingenti subito mea lapsa ruina  
Concidit, in domini procubuitque caput :  
Adfuit ille mihi, cum me pars magna reliquit,  
Maxime, fortuna nec fuit ille comes.  
Illum ego non aliter flentem mea funera vidi,  
Ponendus quam si frater in igne foret.  
Hæsit in amplexu, consolatusque jacentem est,  
Cumque meis lacrymis miscuit usque suas.  
O quoties, vitæ custos invisus amara,  
Continuit promptas in mea fata manus !  
O quoties dixit, placabilis ira Deorum est !  
Vive, nec ignosci tu tibi posse nega.  
Vox tamen illa fuit celeberrima, Respice, quantum  
Debeat auxilium Maximus esse tibi.  
Maximus incumbet, quaque est pietate, rogabit  
Ne sit ad extremum Caesaris ira tenax.  
Cumque suis fratris vires adhibebit, & omnem,  
Quo levius doleas, experietur opem.  
Hæc mihi verba mala minuerunt tædia vitæ :  
Quæ modo ne fuerint, Maxime, vana, cave.

Huc

Huc quoque venturum mihi se jurare solebat,  
 Non nisi te longa jus sibi dante via.  
 Nam tua non alio coluit penetralia ritu,  
 Terrarum dominos quam colis ipse deos.  
 Crede mihi, multos habeas cum dignus amicos,  
 Non fuit è multis quolibet ille minor.  
 Si modo non census, nec clarum nomen avorum,  
 Sed probitas magnos ingeniumque facit.  
 Iure igitur lacrymas Celso libamus adempto,  
 Cum fugerem, vivo quas dedit ipse mihi.  
 Carmina jure damus raros testantia mores,  
 Ut tua venturi nomina, Celse, legant.  
 Hoc est quod possum Geticis tibi mittere ab arvis:  
 Hoc solum est istic, quod licet esse meum.  
 Funera non potui comitare, nec ungere corpus,  
 Atque tuis toto dividor orbe rogis.  
 Quod potuit, quem tu pro numine vivus habebas,  
 Praestitit officium Maximus omne tibi.  
 Ille tibi exequias, & magni funus honoris  
 Fecit, & in gelidos fudit amoma sinus:  
 Diluit & lacrymis mœrens unguenta profusis,  
 Ossaque vicina condita texit humo.  
 Qui quoniam extinctis, qua debet, praestat amicis,  
 Et nos extinctis annumerare potest.

## E L E G I A X I.

Ad Flaccum.

**N**aso suo profugus mittit tibi, Flacce, salutem,  
 Mittere rem si quis, qua caret ipse, potest.  
 Longus enim curis vitiatum corpus amaris  
 Non patitur vires languor habere suas.  
 Nec dolor ullus adest, nec febribus uror anhelis,  
 Et peragit soliti vena tenoris iter.  
 Os hebes est, positaque movent fastidia mensa,  
 Et queror, invisi cum venit hora cibi,

Quod



*Quod mare, quod tellus, appone, quod educat aër,  
Nil ibi, quod nobis esuriatur erit.*

*Nectar & ambrosiam, latices epulasque deorum*

*Det mihi formosa grata juventa manu:*

*Non tamen exacuet torpens sapor iste palatum,*

*Stabit & in stomacho pondus inerte diu.*

*Hac ego non ausim, cum sint verissima, cuiquam*

*Scribere, delicias ne mala nostra vocet.*

*Scilicet is status est, ea rerum forma mearum,*

*Deliciis etiam possit ut esse locus.*

*Delicias illi precor has contingere, si quis,*

*Ne mihi sit levior Caesaris ira, timet.*

*Is quoque, qui gracili cibus est in corpore, somnus*

*Non alit officio corpus inane suo.*

*Sed vigilo, vigilantque mei sine fine dolores:*

*Quorum materiam dat locus ipse mihi.*

*Vix igitur possis visos agnoscere vultus:*

*Quoque ierit, queras, qui fuit ante, color.*

*Parvus in exiles succus mihi pervenit artus,*

*Membraque sunt cera pallidiora nova.*

*Non hac immodico contraxi damna Lyao:*

*Scis, mihi quod sola pane bibantur aquæ.*

*Non epulis oneror: quarum si tangar amore,*

*Est tamen in Geticis copia nulla locis.*

*Nec vires adimit Veneris damnosa voluptas:*

*Non solet in mæstos illa venire thoros.*

*Vnda locusque nocent, & causa valentior istis,*

*Anxietas animi, quæ mihi semper adest.*

*Hanc nisi tu pariter simili cum fratre lebares,*

*Vix mens tristitia mæsta tulisset onus.*

*Vos estis fracta tellus non dura faselo,*

*Quamque negant multi, vos mihi fertis opem,*

*Ferte precor semper, quia semper egebimus illa,*

*Cæsaris offensum dum mihi numen erit.*

*Qui meritam nobis minuat, non finiat, iram,*

*Supplīter vestros quisque rogate Deos.*

P. OVIDII NASONIS  
DE P O N T O  
LIBER SECVNDVS.

ELEGIA I.

Ad Germanicum.

**H**Vc quoque Casarei pervenit fama triumphī,  
Languida quo fessi vix venit aura Nothi.  
Nil fore dulce mihi Scythica regione putavi:  
Iam minus hic odio est, quam fuit ante, locus.  
Tandem aliquod pulsa curarum nube serenum  
Vidi, fortuna verba dedique mea.  
Nolit ut illa mihi contingere gaudia Casar,  
Velle potest cuivis hac tamen una dari.  
Dii quoque ut à cunctis hilari pietate colantur,  
Tristitiam poni per sua festa jubent.  
Denique, quod certus furor est audere fateri,  
Hac ego latitia, si vetet ipse, fruam.  
Iuppiter utilibus quoties rigat imbribus agros,  
Mista tenax segeti crescere lappa solet.  
Nos quoque frugiferum sentimus inutilis herba  
Numen, & invita saepe juvamur ope.  
Gaudia Casarea mentis pro parte virili  
Sunt mea, privati nil habet illa domus.  
Gratia Fama tibi, per quam spectata triumphī  
Incluso mediis est mihi pompa Getis.  
Indice te didici, nuper visenda coisse  
Innumeras Gentes ad ducis ora sui.  
Quaeque capit latius immensum mœnibus orbem,  
Hospitiis Romam vix habuisse locum.  
Tu mihi narrasti, cum multis lucibus ante  
Fuderit assiduas nubibus Auster aquas,  
Numine

Numine caelesti solem fulsisse serenum,  
Cum populi vultu conveniente die.  
Atque ita victorem cum magna vocis honore  
Bellica laudatis dona dedisse viris.  
Claraque sumtutum pictas insignia vestes,  
Thura prius sanctis imposuisse focis.  
Iustitiaque sui castos placasse parentes,  
Illo quo templum pectore semper habet.  
Quaque ierit, felix adiectum plausibus omen,  
Saxaque jactatis erubuisse rosis.  
Protinus argento veros imitantia muros  
Barbara cum victis oppida lata viris.  
Fluminaque & montes, & in altas proflua silvas,  
Armaque cum telis in strue juncta suis.  
Deque triumphorum, quod Sol incenderat, auro,  
Aurea Romani tecta fuisse fori.  
Totque tulisse duces captivis addita collis  
Vincula, pane hostes quot satis esse fuit.  
Maxima pars horum vitam veniamque tulere,  
In quibus & belli summa caputque fuit.  
Cur ego posse negem minui mihi Caesaris iram,  
Cum videam mites hostibus esse Deos?  
Pertulit huc idem nobis, Germanice, rumor,  
Oppida sub titulo nominis esse tui.  
Atque ea te contra nec muri mole, nec armis,  
Nec satis ingenio tuta fuisse loci.  
Dii tibi dent annos, à te nam cetera sumes,  
Sint modo virtuti tempora longa tua.  
Quod precor, eveniet. sunt quadam oracula vatum,  
Nam Deus optanti prospera signa dedit.  
Te quoque victorem Tarpejas scandere in arces  
Lata coronatis Roma videbit equis.  
Maturosque pater nati spectabit honores,  
Gaudia percipiens, quæ dedit ante suis.  
Iam nunc hac à me, juvenum belloque togaque  
Maxime, dicta tibi vaticinante nota,

Hunc quoq; carminibus referam fortasse triumphum,  
 Sufficiat nostris si modo vita malis.  
 Imbuero Scythicas si non prius ipse sagittas,  
 Abstuleritque ferox hoc caput ense Getes.  
 Quod si me salvo dabitur tua laurea templis,  
 Omina bis dices vera fuisse mea.

## E L E G I A    I I .

Ad Messalinum.

**I**lle domus vestra primis venerator ab annis,  
 Pulsus ab Euxini Naso sinistra freti,  
 Mitit ab indomitus hanc, Messaline, salutem,  
 Quam solitus praesens est tibi ferre, Getis.  
 Hei mihi, si lecto vultus tibi nomine non est,  
 Qui fuit; & dubitas cetera perlegere!  
 Perlege: nec mecum pariter mea verba relega:  
 Vrbe licet vestra versibus esse meis.  
 Non ego concepi, si Pelion Ossa tulisset,  
 Clara mea tangi sidera posse manu.  
 Nec nos Enceladi dementia castra secuti,  
 In rerum dominos movimus arma deos.  
 Nec quod Tydida temeraria dextera fecit,  
 Numina sunt telis ulla petita meis.  
 Est mea culpa gravis, sed qua me perdere solum  
 Ausa sit, & nullum majus adorsa nefas,  
 Neve roges qua sit, stultam quam scripsimus artem  
 Innocuas nobis non finit esse manus.  
 Nil nisi non sapiens possum timidusque vocari:  
 Hac duo sunt animi nomina vera mei.  
 Esse quidem fateor, meritam post Caesaris iram,  
 Difficilem precibus te quoque jure meis.  
 Quaque tua est pietas in totum nomen Iuli,  
 Te ladi, cum quis leditur inde, putas.  
 Sed licet arma feras, & vulnera saeva mineris,  
 Non tamen efficies ut timeare mihi.

Puppis

*Puppis Achameniden Grajum Trojana recepit,  
Profuit & Myso Pelias hasta duci.  
Confugit interdum templi violator ad aram,  
Nec petere offensi numinis horret opem.  
Dixerit hoc aliquis tutum non esse: fatemur:  
Sed non per placidas it mea navis aquas.  
Tuta petant alii, fortuna miserrima nostra est:  
Nam timor eventus deterioris abest.  
Qui rapitur fatis, quid præter fata requirit?  
Sæpe creat molles aspera spina rosas.  
Qui rapitur spumante salo, sua brachia campi  
Porrigit ad spinas, duraque saxa manus.  
Accipitrem metuens pennis trepidantibus ales,  
Audet in humanos fessa venire sinus.  
Nec se vicino dubitat committere tecto,  
Quæ fugit infestos territa cerva canes.  
Da, precor, accessum lacrymis mitissime nostris,  
Nec rigidam timidis vocibus obde forem.  
Verbaque nostra favens Romana ad numina perfer,  
Non tibi Tarpejo culta tonante minus.  
Mandatque mei legatus suscipe causam,  
Nulla meo quamvis nomine causa bona est.  
Iam prope depositus, certe jam frigidus ager,  
Servatus per te, si modo servor, ero.  
Nunc tua pro rebus nitatur gratia lapsis,  
Principis aterni quam tibi præstat amor.  
Nunc tibi & eloqui nitor ille domesticus adsit,  
Quo poteras trepidis utilis esse viris.  
Vivit enim in vobis facundi lingua parentis,  
Et res heredem repperit illa suum.  
Hanc ego non ut me defendere tentet, adoro:  
Non est confessi causa tuenda rei.  
Nunc tamen excuses erroris origine factum,  
An nihil expediat tale monere, vide.  
Vulneris id genus est, quod cum sanabile non sit,  
Non contrectari tutius esse puto.*

Lingua sile: non est ultra narrabile quidquam,  
Posse velim cineres obruere ipse meos.  
Sic igitur, quasi me nullus deceperit error,  
Verba face, ut vita, quam dedit ipse, fruatur.  
Cumque serenus erit, vultusque remiserit illos,  
Qui secum terras Imperiumque movent:  
Exiguam ne me pradam sinat esse Getarum,  
Detque solum misera mite, precare fuga.  
Tempus adest aptum precibus: valet ille, videtque,  
Quas fecit vires, Roma, valere tuas:  
Incolumis conjux sua pulvinaria servat,  
Promovet Imperium filius Ausonium.  
Præterit ipse suos animo Germanicus annos:  
Nec vigor est Drusi nobilitate minor.  
Adde nurus, neptesque pias, charosque nepotes,  
Ceteraque Augusta membra valere domus.  
Adde triumphatos modo Paonas, adde quieti  
Subdita montana brachia Dalmatia.  
Nec dedignata est abjectis Illyris armis  
Cæsareum famulo vertice ferre pedem.  
Ipse super currum placido spectabilis ore  
Tempora Phœbea virgine nexa tulit,  
Quem pia nobiscum proles comitavit euntem,  
Digna parente suo, nominibusque datis.  
Fratribus assimilis, quos proxima templa tenentes  
Divus ab excelsa Iulius ade videt.  
His Messalinus, quibus omnia cedere debent,  
Latitia primum non negat esse locum.  
Quidquid ab his superest, venit in certamen amoris:  
Hac hominum nulli parte secundus erit.  
Hanc colit ante diem, per quam decreta merenti  
Venit honoratis laurea digna comis.  
Felices, quibus hos licuit spectare triumphos,  
Et ducis ore Deos æquiparantē frui!  
At mihi Sauromata pro Cæsaris ore videndi,  
Terraque pacis inops, undaque juncta gelu.

*Si tamen hoc audis, & vox mea pervenit istuc,  
Si tua mutando gratia blanda loco.  
Hoc pater ille tuus primo mihi cultus ab avo,  
Si quid habet sensus umbra diserta, petit.  
Hoc petis & frater, quamvis fortasse veretur,  
Servandi noceat ne tibi cura mei.  
Tota domus rogat hoc, nec tu potes ipse negare,  
Et nos in turba parte fuisse tua.  
Ingenii certe, quo nos male sensimus usos,  
Artibus exceptis, saepe probator eras.  
Nec mea, si tantum peccata novissima demas,  
Esse potest domui vita pudenda tuae.  
Sic igitur vestra vigeant penetralia gentis,  
Curaque sit superis, Caesaribusque tui.  
Mite, sed iratum merito mihi, numen adora,  
Eximar ut Scythici de feritate loci:  
Difficile est, fateor, sed tendit in ardua virtus:  
Et talis meriti gratia major erit.  
Nec tamen Aetnaeus vasto Polyphemus in antro  
Accipiet voces Antiphatesque tuas:  
Sed placidus, facilisque parens, veniaque paratus,  
Et qui fulmineo saepe sine igne tonat.  
Qui cum triste aliquid statuit, sit tristis & ipse:  
Cuique fere poenam sumere, poena sua est.  
Victa tamen vitio est huius clementia nostro:  
Venit & ad vires ira coacta suas.  
Qui quoniam patria toto sumus orbe remoti,  
Non licet ante ipsos procubuisse deos.  
Quos colis, ad superos hac fer mandata sacerdos:  
Adde sed & proprias ad mea verba preces.  
Sic tamen hac tenta, si non nocitura putabis:  
Ignoscas: timeo naufragus omne fretum.*

## E L E G I A   I I I .

Ad Maximum.

**M**axime , qui claris nomen virtutibus aquas,  
 Nec sinis ingenium nobilitate premi :  
 Culte mihi ( quid enim status hic à funere differt ? )  
 Supremum vitæ tempus ad usque mea ;  
 Rem facis , afflictum non aversatus amicum ,  
 Qua non est avo rarior ulla tuo .  
 Turpe quidem dictu , sed ( si modo vera fatemur )  
 Vulgus amicitias utilitate probat .  
 Cura , quid expediat , prior est , quam quid sit honestu ;  
 Et cum fortuna statque caditque fides .  
 Nec facile invenies multis in millibus unum ,  
 Virtutem precium qui putet esse sui .  
 Ipse decor recti , facti si præmia desint ,  
 Non movet , & gratis poenitet esse probum .  
 Nil , nisi quod prodest , carum est ; en detrahe menti  
 Spem fructus avidæ , nemo petendus erit .  
 At redditus jam quisque suos amat , & , sibi quid sit  
 Vtile , sollicitis computat articulis .  
 Illud amicitia quondam venerabile nomen  
 Prostat , & in quæstu pro meretrice sedet .  
 Quo magis admiror , non ut torrentibus undis  
 Communis vitii re quoque labe trahi .  
 Diligitur nemo , nisi cui fortuna secunda est :  
 Qua , simul intoruit , proxima quæque fugat .  
 En ego non paucis quondam munitus amicis ,  
 Dum flavit velis aura secunda meis :  
 Ut fera nimboso tumuerunt æquora vento ,  
 In mediis lacera navæ relinquer aquis .  
 Cumque alii nolint , etiam me nosse fateri ,  
 Vix duo projecto tresve tulistis opem :  
 Quorum tu princeps neq; enim comes esse , sed auctor :  
 Nec petere exemplum , sed dare dignus eras .

Te,



Te, nihil exacto, nisi nos peccasse fatentem,  
Sponte sua probitas officiumque iuvat.  
Iudice te, mercede caret, per seque petenda est  
Externis virtus incommutata bonis.  
Turpe putas abici, quia sit miserandus, amicum:  
Quodque sit infelix desinere esse tuum.  
Mitius est lapsa digitum supponere mento,  
Mergere quam liquidis ora natantis aquis.  
Cerne quid Æacides post mortem præstet amico:  
Instar & hanc vitam mortis habere puta.  
Pirithoum Theseus Stygias comitavit ad undas:  
A Stygia quantum mors mea distat aqua?  
Adfuit insano juvenis Phocæus Orestis:  
Et mea non minimum culpa furoris habet.  
Tu quoque magnorum laudes admitte virorum,  
Ut facis, & lapsa, quam potes, affer opem.  
Si bene te novi, si, qui prius esse solebas,  
Nunc quoque es, atque animi non cecidere tui:  
Quo fortuna magis sævit, magis ipse resistis:  
Utque decet, ne te vicerit illa, caves.  
Et bene uti pugnes, bene pugnans efficit hostis,  
Sic eadem prodest caussa, nocetque mihi.  
Scilicet indignum, juvenis rarissime, ducis  
Te fieri comitem stantis in orbe Deæ.  
Firmus es, & quoniam non sunt hæc, qualia velles,  
Vela regis quassæ qualiacunque ratis.  
Quaque ita concussa est, ut jam casura putetur.  
Restat adhuc humeris fulta carina tuis.  
Ira quidem primò fuerat tua iusta, nec ipso  
Lenior, offensus qui mihi iure fuit.  
Quique dolor pectus tetigisset Caesaris alti,  
Illum jurabas protinus esse tuum.  
Ut tamen audita est nostræ quoque cladis origo,  
Diceris erratis ingemuisse meis.  
Tunc tua me primum solari littera cœpit,  
Et læsum flecti spem dare posse Deum.

*Movit amicitia tum te constantia longa,  
Ante tuos ortus qua mihi cœpta fuit.  
Et quod eras aliis factus, mihi natus amicus,  
Quodque tibi in cunis oscula prima dedi.  
Quod, cū vestra domus teneris mihi semper ab annis  
Culta sit, esse vetus nunc tibi cogor onus.  
Me tuus ille pater, Latia facundia lingua,  
Qui non inferior nobilitate fuit,  
Primus, ut auderem committere carmina fama,  
Impulit, ingenii dux fuit ille mei.  
Nec quod sit primo nobis à tempore cultus,  
Contendo fratrem posse referre tuum.  
Te tamen ante omnes ita sum complexus, ut una  
Quolibet in casu gratia nostra foret.  
Ultima me tecum vidit, mœstisque cadentes  
Excepit lacrymas Italæ ora genis.  
Cum tibi quarenti, num verus nuncius esset,  
Attulerat culpa quem mala fama mea;  
Inter confessum medius, dubieque negantem  
Hærebam, paridas dante timore notas.  
Exemploque nivis, quam mollit aquaticus Auster,  
Gutta per attonitas ibat oborta genas.  
Hæc igitur referens, & quod mea carmina primi  
Erroris venia posse latere vides:  
Respicis antiquum lapsis in rebus amicum,  
Fomentisque juvas vulnere nostra tuis.  
Pro quibus, optandi si nobis copia fiat,  
Tam bene promerito commoda mille precor.  
Sed si sola mihi dentur tua vota, precabor,  
Ut tibi sit salvo Casare salva parens.  
Hæc ego, cum faceres altaria pingua thure,  
Te solitum memini prima rogare deos.*

## ELEGIA IV:

Ad Atticum.

**A**ccipe colloquium gelido Nasonis ab Istro;  
 Attice, iudicio non dubitate meo.  
 Ecquid adhuc remanes memor infelicis amici?  
 Deserit an partes languida cura suas?  
 Non ita dii mihi sunt testes, ut credere possim,  
 Fasque putem jam te non meminisse mei.  
 Ante meos oculos præsto est tua semper imago,  
 Et videor vultus mente videre tuos.  
 Seria multa mihi tecum collata recordor:  
 Nec data jucundis tempora pauca jocis.  
 Sæpe cita longis visa sermonibus hora:  
 Sæpe fuit brevior, quam mea verba, dies.  
 Sæpe tuas venit factum modo carmen ad aures:  
 Et nova iudicio subdita Musa tuo est.  
 Quod tu laudabas populo placuisse putabam:  
 Hoc precium cura dulce recentis erat.  
 Vtique meus lima rarus liber esset amici,  
 Non semel admonitu facta litura tuo est.  
 Nos fora viderunt pariter, nos porticus omnis,  
 Nos via, nos cunctis curva theatra locis.  
 Denique tantus amor nobis carissime semper,  
 Quantus in Æaciden Actoridenque fuit.  
 Non ego, si biberes secura pocula Lethes,  
 Excidere hæc credam pectore posse tuo.  
 Longa dies citior brumali tempore, noxque  
 Tardior hyberna solstitialis erit:  
 Nec Babylon æstus, nec frigora Pontus habebit,  
 Calthaque Pastanas vincet odore rosas:  
 Quam tibi nostrarum veniant oblivias rerum:  
 Non ita pars fati candida nulla mei est.  
 Ne tamen hæc dici possit fiducia mendax;  
 Stultaque credulitas nostra fuisse, cave.

*Constantique fide veterem tueare sodalem :  
Qua licet, & quantum non onerosus ero.*

## E L E G I A V.

*Ad Solanum.*

**C**ondita disparibus numeris ego Naso Solano  
Præposita misi verba salute meo.  
Quæ rata sit, cupio, rebusque ut comprobet omen,  
Te precor ut salvo possit, amice, legi.  
Candor, in hoc ævo res intermortua pane,  
Exigit ut faciam talia vota, tuus.  
Nam fuerim quamvis modico tibi junctus ab usu,  
Diceris exiliis ingemuisse meis.  
Missaque ab Euxino legeres cum carmina Ponto,  
Illa tunc juvit qualiacunque favor.  
Optastique brevem fieri mihi Caesaris iram :  
Quod tamen optari, si sciat ipse, sinat.  
Moribus ista tuis tam mitia vota dedisti :  
Nec minus idcirco sunt ea grata mihi.  
Quoque magis moveare malis doctissime nostris,  
Credibile est fieri conditione loci.  
Vix hac invenies totum ( mihi crede ) per orbem,  
Quæ minus Augusta pace fruatur humum.  
Tu tamen hic structos inter fera prælia versus  
Et legis, & lectos ore favente probas :  
Ingenioque meo, vena quod paupere manat,  
Plaudis, & è rivo flumina magna facis.  
Grata quidem sunt hac animo suffragia nostro,  
Vix sibi cum miseros posse placere putes.  
Dum tamen in rebus tentamus carmina parvis,  
Materie gracili sufficit ingenium.  
Nuper ut huc magni pervenit fama triumphi,  
Ausus sum tanta sumere molis onus.  
Obruit audentem rerum gravitasque nitorque.  
Nec potui cœpti pondera ferre mei.

*Illic,*

Illic, quam laudes, erit officiosa voluntas,  
Cetera materia debilitante jacent.  
Quod si forte liber vestras pervenit ad aures,  
Tutelam mando sentiat ille tuam.  
Hac tibi facturo, vel si non ipse rogarem,  
Accedet cumulus gratia nostra levis.  
Non ego laudandus, sed sunt tua pectora lacte,  
Et non calcata candidiora nive.  
Mirariſque alios, cum sis mirabilis ipse,  
Ne lateant artes, eloquiūque tuum.  
Te juvenum princeps, cui dat Germania nomen,  
Participem studii Caesar habere solet.  
Tu comes antiquus, tu primis junctus ab annis  
Ingenio mores equiparante places.  
Te dicente prius, fit protinus impetus illi:  
Teque habet, elicias qui sua verba tuis.  
Cum tu desistis. mortaliaque ora quierunt,  
Teſtaque non longa conticuere mora:  
Surgit Iuleo juvenis cognomine dignus,  
Qualis ab Eois Lucifer ortus aquis:  
Dumque silens aſtat, ſtatus eſt vultuſque diſerti,  
Spemque docens docta vocis amicus habet.  
Mox ubi pulſa mora eſt, atque os cœleſte ſolutum  
Hoc ſuperos jures more ſolere loqui.  
Atque hæc eſt dicas ſacundia Principe digna:  
Eloquio tantum nobilitatis ineſt.  
Huic tu cum placeas, & vertice ſidera tangas,  
Scripta tamen profugi vatis habenda putas.  
Scilicet Ingeniis aliqua eſt concordia junctis,  
Et ſervat ſtudii fœdera quiſque ſui.  
Ruſticus agricolam, miles fera bella gerentem,  
Reſtorem dubia navita puppis amat.  
Tu quoque Pieridum ſtudio ſtudioſe teneris,  
Ingenioque faves ingenioſe meo.  
Diſtat opus noſtrum: ſed fontibus exit ab iiſdem,  
Artis & ingenua cultor uterque ſumus.

*Thyrſus enim vobis , geſtata eſt laurea nobis :  
 Sed tamen ambobus debet ineſſe calor.  
 Utque meis numeris tua dat facundia nervos :  
 Sic venit à nobis in tua verba nitor.  
 Iure igitur ſtudio conſinia carmina noſtro,  
 Et commilitii ſacra tuenda putas.  
 Pro quibus ut maneat de quo cenſeris amicus,  
 ~Comprecor ad vita tempora ſumma tua.  
 Succedatque ſuis orbis moderator habenis,  
 Quod mecum populi vota precantur idem.*

## E L E G I A VI.

Ad Græcinum.

*C*Armine Græcinum, quem præſens voce ſolebat,  
 Triftis ab Euxinis Naſo ſalutat aquis.  
 Exulis hac vox eſt prabet mihi littera linguam,  
 Et, ſi non liceat ſcribere, mutus ero.  
 Corripis, ut debes, ſtulti peccata ſodalis :  
 Et mala me meritis ferre minora doles.  
 Vera facis, ſed ſera, mea convicia culpa:  
 Aſpera conſeſſo verba remitte reo.  
 Cum poteram recto tranſire Ceraunia velo,  
 Ut ſera vitarem ſaxa, monendus eram.  
 Nunc mihi naufragio quid prodeſt dicere factò,  
 Qua mea debuerit currere cymba via?  
 Brachia da laſſo potius prendenda natanti,  
 Nec pigeat mento ſuppoſuiſſe manum.  
 Idque facis, faciaſque precor: ſic mater, & uxor,  
 Sic tibi ſint fratres, totaque ſalva domus.  
 Quodque ſoles animo ſemper, quod voce precari:  
 Omnia Caſaribus ſic tua facta probes.  
 Turpe erit, in miſeris veteri tibi rebus amico  
 Auxilium nulla parte tuliffe tuum.  
 Turpe referre pedem, nec paſſu ſtare tenaci,  
 Turpe laborantem deſeruiſſe ratem.

Turpe

*Turpe sequi casum, & fortuna cedere: amicum  
 Et, nisi sit felix, esse negare suum.  
 Non ita vixerunt Strophio atq; Agamemnone natis  
 Non hac Ægida, Pirithoique fides.  
 Quos prior est mirata, sequens mirabitur atas:  
 In quorum plausus tota theatra sonant.  
 Tu quoque per durum servato tempus amico,  
 Dignus es in tantis nomen habere viris.  
 Dignus es: & quoniam laudem pietate mereris,  
 Non erit officii gratia surda tui.  
 Crede mihi, nostrum si non mortale futurum est  
 Carmen, in ore frequens posteritatis eris.  
 Fac modo perman eas lapso, Gracine, fidelis:  
 Duret & in longas impetus iste moras.  
 Qua tu cum prestes, remo tamen utar, & aura:  
 Nil nocet admissio subdere calcar equo.*

## ELEGIA VII.

Ad Atticum.

*E* Sse salutatū te vult mea littera primum,  
 A male pacatis Attice, missa Getis.  
 Proxima subsequitur, quid agas audire, voluntas:  
 Et modo si quid agas, sit tibi cura mei.  
 Nec dubito quin sit: sed me timor ipse malorum  
 Sæpe supervacuos cogit habere metus.  
 Da veniam queso, nimioque ignosce timori:  
 Tranquillas etiam naufragus horret aquas.  
 Qui semel est lasus fallaci piscis ab hamo,  
 Omnibus unca cibus æra subesse putat.  
 Sæpe canem visum longe fugit agna, lupumque  
 Credit, & ipsa suam nescia vitat opem.  
 Membra reformidant mollem quoq; saucia tactum,  
 Vanaque sollicitis incitat umbra metum.  
 Sic ego fortuna telis confixus iniquis,  
 Pectore concipio nil nisi triste meo.

Iam

*Iam mihi fata liquet cœptos servantia cursus  
Per sibi consuetas semper itura vias.  
Observare Deos ne quid mihi cedat amice,  
Verbaque fortuna vix puto posse dari.  
Est illi cura me perdere, quæque solebat  
Esse levis. constans & bene certa nocet.  
Crede mihi si sum veri tibi cognitus oris,  
Nec numerus nostris casibus esse potest.  
Cinyphia segetis citius numerabis aristas,  
Altaque quam multis floreat Hybla thymis :  
Et quot aves motu nitantur in aëra pennis,  
Quotque natent pisces equore, certus eris :  
Quam tibi nostrorum statuatur summa laborum,  
Quos ego sum terra, quos ego passus aqua.  
Nulla Getis toto gens est truculentiore orbe :  
Sed tamen hi nostris ingemuere malis.  
Quæ tibi si memori coner perscribere versu,  
Illic est fati longa futura mei.  
Non igitur vereor quod te rear esse verendum,  
Cujus amor nobis pignora mille dedit.  
Sed quia Res timida est omnis miser, & quia longo  
Tempore latitæ janua clausa mea.  
Iam dolor in morem venit meus : utque caducis  
Percussu crebro saxa cavantur aquis :  
Sic ego continuo fortuna vulnere ictu,  
Vixque habet in nobis jam nova plaga locum.  
Nec magis assiduo vomer tenuatur ab usu,  
Nec magis est curvis Appia trita rotis :  
Pectora quam mea sunt serie calcata malorum :  
Et nihil inveni, quod mihi ferret opem.  
Artibus ingenuis quæsitæ est gloria multis :  
Infelix perii dotibus ipse meis.  
Vita prior vitio caret, & sine labe peracta est :  
Auxilii mihi nil tulit illa mihi.  
Culpa gravis precibus donatur saepe suorum :  
Omnis pro nobis gratia muta fuit.*



*Adjuvat in duris aliquos praesentia rebus :  
Obruit hoc absens vasta procella caput.  
Quem non obrueret taciti quoque Caesaris ira ?  
Addita sunt poenis aspera verba meis.  
Fit fuga temporibus levior, projectus in aquor  
Arcturum subii, Pleiadamque minas.  
Saepe solent hiemem placidam sentire carina :  
Non Ithaca puppi saevior unda fuit.  
Recta fides comitum poterat mala nostra levare :  
Ditata est spoliis perfida turba meis.  
Mitius exilium faciunt loca : tristior ista  
Terra sub ambobus non jacet ulla polis.  
Est aliquid patriis vicinum finibus esse :  
Ultima me tellus, ultimus orbis habet.  
Prestat & exulibus pacem tua laurea Caesar :  
Pontica finitimo terra sub hoste jacet.  
Tempus in agrorum cultu consumere dulce est :  
Non patitur verti barbarus hostis humum.  
Temperie cali corpusque animusque juvatur :  
Frigore perpetuo Sarmatis ora riget.  
Est in aqua dulci non invidiosa voluptas :  
Æquoreo bibitur cum sale mista palus.  
Omnia deficiunt : aximus tamen omnia vincit :  
Ille etiam vires corpus habere facit.  
Sustineas ut onus, nitendum est vertice recto :  
At, flecti nervos si patiare, cades.  
Spes quoque, posse mora mitescere Principis iram,  
Vivere ne nolim, deficiamque facit.  
Nec vos parva datis pauci solatia nobis,  
Quorum spectata est per mala nostra fides.  
Captâ tene, queso, nec in æquore desere navem,  
Meque simul serva, iudiciumque tuum.*

## E L E G I A   V I I I .

Ad Cottam.

**R** Edditus est nobis Caesar cum Casare nuper,  
 Quos mihi misisti, maxime Cotta, duos.  
 Utque tuum munus numerum, quem debet, haberet,  
 Est tibi Caesaribus Livia juncta suis.  
 Argentum felix omnique beatius auro,  
 Quod, fuerit precium cum rude, numen habet.  
 Non mihi, divitias dando, majora dedisses  
 Cœlitibus missis nostra sub ora tribus.  
 Est aliquid spectare Deos, & adesse putare,  
 Et quasi cum vero numine posse loqui.  
 Quantum ad me, redii, nec me temet ultima tellus:  
 Utque prius, media sospes in urbe moror.  
 Casareos video vultus, velut ante videbam:  
 Vix hujus voti spes fuit ulla mihi.  
 Utque salutabam, numen cœleste saluto:  
 Quod reduci tribuas, nil puto majus habes.  
 Quid nostris oculis nisi sola palatia desunt?  
 Qui locus, ablato Casare, vilis erit.  
 Hunc ego cum spectem, videor mihi cernere Romam:  
 Nam faciem patria sustinet ille sua.  
 Fallor? an irati mihi sunt in imagine vultus?  
 Torvaque nescio quid forma minantis habet?  
 Parce vir immenso major virtutibus orbe,  
 Iustaque vindicta supprime frena tua.  
 Parce puer, seculi decus admirabile nostri,  
 Terrarum dominum quem tua cura facit.  
 Per patriæ numen, quod te tibi carius ipso est,  
 Per nunquam surdos in tua vota Deos:  
 Perque tori sociam, quæ par tibi sola reperta est,  
 Et cui majestas non onerosa tua est.  
 Perque tibi similem virtutis imagine natum,  
 Moribus agnosci, qui tuus esse, potest.

Perque

Perque tuos, vel avo dignos, vel patre nepotes,  
Qui veniunt magno per tua jussa gradu.  
Parte leva minima, nostras & contrahere pœnas :  
Daque, procul Scythico qui sit ab hoste, locum.  
Et tua ( si fas est ) à Casare proxime Caesar  
Numina sint precibus non inimica meis.  
Sic fera quamprimum pavido Germania vultu  
Ante triumphantes serva feratur equos.  
Sic pater in Pylios, Cumæos mater in annos  
Vivant, & possis filius esse diu.  
Tu quoque conveniens ingenti nupta marito,  
Accipe non dura supplicis aure preces.  
Sic tibi vir sospes : sic sint cum prole nepotes,  
Cumque bonis nuribus, quas peperere, nurus :  
Sic quem dira tibi rapuit Germania, Drusus  
Pars fuerit partus sola caduca tui :  
Sic tibi mature fraterni funeris ultor  
Purpureus niveis filius instet equis.  
Annuite ô timidis mitissima numina votis,  
Præsentes aliquid prosit habere Deos.  
Casaris adventu tutus gladiator arena  
Exit, & auxilium non leve vulnus habet.  
Nos quoq; vestra juvet quod, qualicet, ora videmus;  
Facta quod est superis jam domus una tribus.  
Felicis illi, qui non simulacra, sed ipsos,  
Quique Deum coram corpora vera vident!  
Quod quoniam nobis invidit inutile fatum,  
Quos dedit ars vultus effigiemque, colo.  
Sic homines novere deos, quos arduus æther  
Occulit, & colitur pro Iove forma Iovis.  
Denique quæ mecum est, & erit sine fine, cavete  
Ne sit in invisio vestra figura loco.  
Nam caput è nostra citius cervice recedat,  
Et patiar fossis lumen abire genis :  
Quam caream vobis, ô publica numina, raptis :  
Vos eritis nostra portus & aura fuga.

Vos ego complectar Geticis si cingar ab armis ;  
 Utque meas aquilas, vestra ego signa sequar.  
 Aut ego me fallo, nimiaque cupidine ludor ,  
 Aut spes exilii commodioris adest.  
 Nam minus & minus est facies in imagine tristis ,  
 Visaque sunt dictis annuere ora meis.  
 Vera, precor, fiant timida prasagia mentis,  
 Iustaque sit quamvis, sit minor ira Dei.

## E L E G I A    I X .

Ad Cotyn.

**R**egia progenies, cui nobilitatis origo  
 Nomen in Eumolpi pervenit usque Cotys.  
 Fama loquax vestras si jam pervenit ad aures ,  
 Me tibi finitimi parte jacere soli :  
 Supplicis exaudi, juvenum mitissime, vocem ,  
 Quamque potes profugo (nam potes) affer opem.  
 Me fortuna tibi, ( de qua quod non queror, hoc est )  
 Tradidit, hoc uno non inimica mihi.  
 Excipe naufragium non duro littore nostrum,  
 Ne fuerit terra tutior unda tua.  
 Regia (crede mihi) res est succurrere lapsis ,  
 Convenit & tanto, quantus es ipse, viro.  
 Fortunam decet hoc istam, qua maxima cum sit,  
 Esse potest animo vix tamen aqua tuo.  
 Conspicitur nunquam meliore potentia caussa,  
 Quam quoties vanas non sinit esse preces.  
 Hoc nitor iste tui generis desiderat : hoc est  
 A superis orta nobilitatis opus.  
 Hoc tibi & Eumolpius generis clarissimus auctor,  
 Et prior Eumolpo suadet Erichthonius.  
 Hoc tecum commune deis, quod utrique rogati  
 Supplicibus vestris ferre soletis opem.  
 Nam quid erit, quare solito dignemur honore  
 Numina, si demas velle juvare deos?

Iuppiter oranti surdas si prabeat aures,  
Victima pro templo cur cadet icta Iovis?  
Si pacem nullam pontus mihi praestet eunti,  
Irrita Neptuno cur ego thura feram?  
Vana laborantis si fiant vota coloni,  
Accipiet gravida cur suis exta Ceres?  
Nec dabit intonso jugulum caper hostia Baccho,  
Musta sub inducto si pede nulla fluant.  
Caesar ut imperii moderetur frena, precamur,  
Tam bene quod patria consulit ipse sua.  
Utilitas igitur magnos hominesque deosque  
Efficit, auxiliis quoque favente suis.  
Tu quoque fac prosis intra tua castra jacenti,  
O Coty, progenies digna parente tuo.  
Conveniens homini est, hominem servare, voluptas,  
Et melius nulla quaritur arte favor.  
Quis non Antiphaten Lastrygona devovet? aut quis  
Munifici mores improbat Alcinoi?  
Non tibi Cassandrus pater est, durusve Caphareus,  
Quirve repertorem torruit arte sua:  
Sed quam Marte ferox, & vinci nescius armis,  
Tam nunquam facta pace cruoris amans.  
Adde, quod ingenuas didicisse fideliter artes  
Emollit mores, nec sinit esse feros.  
Nec regum quisquam magis est instructus ab illis,  
Mitibus aut studiis tempora plura dedit.  
Carmina testantur: qua, si tua nomina demas,  
Threicium juvenem composuisse negem.  
Neve sub hoc tractu vates foret unicus Orpheus,  
Bistonis ingenio est terra superba tuo.  
Utque tibi est animus, cum res ita postulat, arma  
Sumere, & hostili tingere cade manum:  
Atque ut es excusso jaculum torquere lacerto,  
Collaque velocis flectere doctus equi:  
Tempora sic studiis data sunt ubi iusta paternis;  
Atque tuis humeris forte quievit opus:

Ne tua marcescant per inertes otia somnos,  
 Lucida Pieria tendis in astra via.  
 Hac quoque res aliquid tecum mihi foederis affert :  
 Ejusdem sacri cultor uterque sumus.  
 Ad vatem vates orantia brachia tendo,  
 Terra sit auxiliis ut tua fida meis.  
 Non ego cade nocens in Ponti littora veni :  
 Mistave sunt nostra dira venena manus.  
 Nec mea subjecta convicta est gemma tabella  
 Mendacem ceris imposuisse notam.  
 Nec quicquam, quod lege veter committere, feci :  
 Est tamen his gravior noxa fatenda mihi.  
 Neve roges que sit, stultam quam scripsimus artem,  
 Innocuas nobis hac vetat esse manus :  
 Et quid praterea peccarim, querere noli :  
 Ut pateat sola culpa sub arte mea.  
 Quicquid id est, habuit moderatam principis iram :  
 Qui nisi natalem nil mihi dempsit humum.  
 Hac quoniam careo, tua nunc vicinia praestet,  
 Inviso possim tutus ut esse loco.

## E L E G I A X.

Ad Macrum.

**E**Cquid ab impressæ cognoscis imagine cera,  
 Hac tibi Nasonem scribere verba, Macer ?  
 Auctorisque sui si non est annulus index,  
 Cognitane est nostra littera facta manu ?  
 An tibi notitiam mora temporis eripit horum ?  
 Nec repetunt oculi signa vetusta tui ?  
 Sis licet oblitus pariter gemmaque manusque,  
 Exciderit tantum ne tibi cura mei.  
 Quam tu vel longi debes convictibus avi,  
 Vel mea quod conjux non aliena tibi est :  
 Vel studiis quibus es, quam nos, sapientius usus :  
 Utque decet nulla factus es arte nocens.

Tu canis aeterno quicquid restabat Homero,  
 Ne careant summa Troica bella manu.  
 Naso parum prudens, artem dum tractat amandi,  
 Doctrina precium triste magister habet.  
 Sunt tamen inter se communia sacra poetis,  
 Diversum quamvis quisque sequamur iter.  
 Quorum te memorē (quamquam procul absumus) esse  
 Suspicio, & casus velle levare meos.  
 Te duce magnificas Asia perspeximus urbes:  
 Trinacris est oculis, te duce, visa meis.  
 Vidimus Aetnae caelum splendescere flamma,  
 Suppositus monti quam vomit ore gigas:  
 Aetnaosque lacus, & olentia stagna Palici  
 Quaque suis Cyanen miscet Anaprus aquis. (nem;  
 Nec procul hinc Nympha, quod dum fugit Elidis am-  
 Tecta sub aquorea nunc quoque currit aqua.  
 Hic mihi labentis pars anni magna peracta est:  
 Eheu quam dispar est locus ille Getis!  
 Et quota pars hac sunt rerum, quas vidimus ambo;  
 Te mihi jucundas efficiente vias!  
 Seu rate caruleas picta fulcavimus undas,  
 Effeda nos agili sive tulere rota:  
 Saepe brevis nobis vicibus via visa loquendi est;  
 Pluraque, si numeres, verba fuere gradu.  
 Saepe dies sermone minor fuit, inque loquendo  
 Tarda per aetivos defuit hora dies.  
 Est aliquid casus pariter timuisse marinos,  
 Iunctaque ad aquoreos vota tulisse deos.  
 Est modo res egisse simul, modo rursus ab illis;  
 Quorum non pudeat posse referre, jocos.  
 Hac tibi si subeant, hic sim licet omnibus annis,  
 Ante tuos oculos ut modo visus ero.  
 Ipse quidem certe cum sim sub cardine mundi,  
 Qui semper liquidis altior extat aquis.  
 Te tamen intueor, quo solo pectore possum,  
 Et tecum gelido saepe sub axe loquor.

*Hic es, & ignoras : sed ades celeberrimus, absens ;  
 Inque Getas media missus ab urbe venis.  
 Redde vicem , & quoniam regio felicior ista est,  
 Istic me memori pectore semper habe.*

## E L E G I A   X I .

*Ad Rufum.*

**H**Oc tibi, Ruse, brevi properatum tempore mittit  
 Naso parum fausta conditor artis opus.  
*Vt quanquam longe toto sumus orbe remoti,  
 Scire tamen possis nos meminisse tui.  
 Nominis ante mei venient oblivia nobis,  
 Pectore quam pietas sit tua pulsa meo.  
 Et prius hanc animam vacuas reddemus in auras,  
 Quam fiat meriti gratia vana tui.  
 Grande voco meritum lacrymas, quibus ora rigabas,  
 Cum mea concreto sicca dolore forent.  
 Grande voco meritum mæsta solatia mentis,  
 Cum pariter nobis illa tibi que dares.  
 Sponte quidem , per seque mea est laudabilis uxor,  
 Admonitu melior sit tamen illa tuo.  
 Namque quod Hermione Castor fuit, Hector Iulo,  
 Hoc ego te letor conjugis esse mea.  
 Qua, ne dissimilis tibi sit probitate, laboras,  
 Seque tui vita sanguinis esse probat.  
 Ergo quod fuerat stimulis factura sine ullis,  
 Plenius auctorem te quoque nata facit.  
 Acer, & ad palma per se cursurus honores,  
 Si tamen horteris , fortius ibit equus.  
 Adde, quod absentis cura mandata fideli  
 Perficis, & nullum ferre gravaris onus.  
 Ore ferant grates , quoniam non possumus ipsi,  
 Dii tibi: qui referent , si pia facta vident.  
 Sufficiatque diu corpus quoque moribus istis,  
 Maxima Fundani gloria, Ruse, soli.*

P. OVI.



P. OVIDII NASONIS  
DE P O N T O  
LIBER TERTIVS.

## ELEGIA I.

Ad Conjugein.

**A** Quor Iasonio pulsatum remige primum,  
 Quaq; nec hosfe fero, nec nive terra cares;  
 Ecquod erit tempus, quo vos ego Naso relin-  
 In minus hostili jussus abesse loco? (quam,  
 An mihi barbaria vivendum est semper in ista?  
 Inque Tomitana condar oportet humo?  
 Pace tua, si pax ulla est tua Pontica tellus,  
 Finitimus rapido quam terit hostis equo:  
 Pace tua dixisse velim: tu pessima duro  
 Pars es in exilio, tu mala nostra gravas.  
 Tu neque ver sentis cinctum florente corona,  
 Tu neque messorum corpora nuda vides.  
 Nec tibi pampineas autumnus porrigit uvas:  
 Cuncta sed immodicum tempora frigus habent.  
 Tu glacie freta juncta tencs, & in equore piscis  
 Inclusus tecta saepe natavit aqua.  
 Non tibi sunt fontes, laticis nisi pane marini:  
 Qui potus, dubium est, sistat alatne sitim.  
 Rara, nec hac felix, in apertis eminet arvis  
 Arbor: & in terra est altera forma maris.  
 Non avis obloquitur: sylvis nisi si qua remotis  
 Equoreas rauco gutture potet aquas.  
 Tristia per vacuos horrent absinthia campos:  
 Conveniensque suo messis amara loco est.  
 Adde metus, & quod murus pulsatur ab hoste:  
 Tinctaque mortifera tabe sagitta madet.

C

Quam

Quam procul hac regio est, & ab omni devia cursu,  
Nec pede quo quisquam, nec rato tutus eat!  
Non igitur mirum finem quarentibus horum  
Altera si nobis usque rogatur humus.  
Te magis est mirum non hac evincere conjux,  
Inque meis lacrymas posse tenere malis.  
Quid facias, quaris: quaras hoc scilicet ipsum:  
Invenies, vere si reperire voles.  
Velle parum est: cupias, ut re potiaris oportet:  
Et faciat somnos hac tibi cura breves.  
Velle reor multos: quis enim mihi tam sit iniquus,  
Optet ut exilium pace carere meum?  
Pectore te toto cunctisque incumbere nervis,  
Et niti pro me nocte dieque decet.  
Utque juvent alii, tu debes vincere amicos  
Vxor, & ad partes prima venire tuas.  
Magna tibi imposita est nostris persona libellis:  
Conjugis exemplum diceris esse bona.  
Ne cave degeneres: & sint praemia nostra  
Vera vide fama quo tuearis opus.  
Ut nihil ipse querar, tacito me fama queretur:  
Qua debet, fuerit ni tibi cura mei.  
Exposuit memet populo fortuna videndum:  
Et plus notitia quam fuit ante, dedit.  
Notior est factus Capaneus de fulminis ictu:  
Notus humo mersis Amphiaras equis.  
Si minus errasset, notus minus esset Vlysses:  
Magna Philocteta vulnere fama suo est.  
Si locus est aliquis magna inter nomina parvis;  
Nos quoque conspicuos nostra ruina facit.  
Nec te nesciri patitur mea pagina, qua non  
Inferius Coa Battide nomen habes.  
Quicquid ages igitur, scena spectabere magna:  
Et pia non paucis testibus uxor eris.  
Crede mihi, quoties laudaris carmine nostro,  
Qui legit has laudes, an mereare, rogat.

Utque

*Vtique favere reor plures virtutibus istis,  
Sic tua non pauca carpere facta volent.  
Quarum tu præsta ne livor dicere possit,  
Hac est pro miseri lenta salute viri.  
Cumque ego deficiam, nec possim ducere currum,  
Fac tu sustineas debile sola jugum,  
Ad medicum specto venis fugientibus ager:  
Ultima pars anima dum mihi restat, ades.  
Quodque ego prestarem, si te magis ipse valerem;  
Id mihi, cum valeas fortius ipsa, refer.  
Exigit hoc socialis amor, foedusque maritum:  
Moribus hoc conjux exigis ipsa tuis.  
Hoc domui debes, de qua censeris, ut illam  
Non minus officiis quam probitate colas.  
Cuncta licet facias, nisi eris laudabilis uxor.  
Non poterit credi Martia culta tibi.  
Nec sumus indigni, nec ( si vis vera fateri )  
Debetur meritis gratia nulla meis.  
Redditur illa quidem grandi cum fenore nobis:  
Nec, te si cupiat ledere rumor, habet.  
Sed tamen hoc factis adsunge prioribus unum,  
Pro nostris ut sis ambitiosa malis.  
Ut minus infesta jaceam tellure, labora:  
Clausula nec officii pars erit ulla tui.  
Magna peto, sed non tamen invidiosa roganti:  
Vtique ea non teneas, tutam repulsa tua est.  
Nec mihi succense, toties si carmine nostro,  
Quod facis, ut facias, teque imitere, rogo.  
Fortibus assuevit tubicen prodesse, suoque  
Dux bene pugnantes incitat ore viros.  
Nota tua est probitas, testataque tempus in omne;  
Sit virtus etiam non probitate minor.  
Nec tibi Amazonia est pro me sumenda securis;  
Aut excussa levi pelta gerenda manu.  
Numen adorandum est, non ut mihi fiat amicum;  
Sed sit ut iratum; quam fuit ante, minus.*

Gratia si nulla est, lacryma tibi gratia fiant :  
Hac potes, aut nulla parte movere deos.  
Qua tibi ne desint, bene per mala nostra cavetur :  
Deque viro fiendi copia dives adest.  
Utque mea res sunt, omni puto tempore flebis :  
Has fortuna tibi nostra ministrat opes.  
Si mea mors redimenda tua, quod abominor, esset :  
Admeti conjux, quam sequereris, erat.  
Æmula Penelopes fieres, si fraude pudica  
Instantes velles fallere nupta procos.  
Si comes extincti manes sequerere mariti,  
Esset dux facti Laodamia tui.  
Iphias ante oculos tibi erit ponenda, volenti  
Corpus in accensos mittere forte rogos.  
Morte nihil opus est, nihil Icariotide tela ;  
Casaris at conjux ore precanda tuo.  
Que præstat virtute sua, ne prisca vetustas  
Laude pudicitie secula nostra premat.  
Que Veneris formam, mores Iunonis habendo,  
Sola est cœlesti digna reperta toro.  
Quid trepidas ? & adire times ? non impia Progne,  
Filiæve Ætæ voce movenda tua est.  
Nec nurus Ægisthi, nec sava Agamemnonis uxor,  
Scyllaque, qua Siculas inguine terret aquas.  
Telegonive parens vertendis nata figuris,  
Nexaque nodosas angue Medusa comas :  
Femina sed princeps, in qua fortuna videre  
Se probat, & cæca crimina falsa tulit.  
Qua nihil in terris ad finem Solis ab ortu  
Clarius, excepto Casare, mundus habet.  
Eligito tempus captatum saepe roganti,  
Exeat adversa ne tua navis aqua.  
Non semper sacras reddunt oracula sortes,  
Ipsaque non omni tempore sana patent.  
Cum status urbis erit, qualem nunc auguror esse,  
Et nullus populi contrahet ora dolor.

Cum domus Augusti, Capitoli more colenda,  
Lata ( quod est, & sit ) plenaque pacis erit.  
Tunc tibi, dii faciant, adeundi copia fiat :  
Profectura aliquid tunc tua verba putes.  
Si quid aget majus, differ tua crepta, caveque  
Spem festinando precipitare meam.  
Nec rursus jubeo, dum sit vacuissima, queras :  
Corporis ad cultum vix vacat illa sui.  
Curia cum patribus fuerit stipata verendis,  
Per patrum turbam tu quoque oportet eas.  
Cum tibi contigerit formam Iunonis adire,  
Fac, sis persona, quam tueare, memor.  
Nec factum defende meum ( mala causa silenda est )  
Nec nisi sollicita sint tua verba preces.  
Tum lacrymis demenda mora est, summissaque terra  
Ad non mortales brachia tende pedes.  
Tu pete nil aliud, se vo nisi ab hoste recedam :  
Hostem fortunam sit satis esse mihi.  
Plura quidem subeunt : sed tu turbata timore  
Hac quoque vix poteris ore tremante loqui.  
Suspitor hac damno tibi non fore, sentiet illa  
Te majestatem pertimuisse suam.  
Nec tua si fletu scindentur verba, nocebit :  
Interdum lacryma pondera vocis habent.  
Lux etiam coeptis facito bona talibus adsit,  
Horaque conveniens, auspiciumque favens.  
Sed prius impositio sanctis altaribus igne,  
Thura fer ad magnos, vinaque pura, Deos.  
Equibus ante omnes Augusti numen adora,  
Progeniemque piam, participemque tori.  
Sint utinam mites solito tibi more, tuasque  
Non duris lacrymas vultibus aspiciant.

## ELEGIA II.

Ad Cottam.

**Q**uam legis à nobis missam tibi, Cotta, salutem.  
 Missa sit ut vere, perveniatque, precor.  
 Namque meis sospes multum cruciatibus aufers,  
 Atque, sit ut nobis pars bona salva, facis.  
 Cumque labent alii, jactataque vela relinquunt,  
 Tu lacera remanes anchora sola rati.  
 Grata tua est igitur pietas: ignoscimus illis,  
 Qui cum fortuna terga dedere fuga.  
 Cum feriant unum, non unum fulmina terrent,  
 Iunctaque percusso turba pavere solet.  
 Cumque dedit paries ventura signa ruina;  
 Sollicito vacuus fit locus ille metu.  
 Quis non è timidis agri contagia vitat,  
 Vicinum metuens ne trahat inde malum?  
 Me quoque amicorum nimio terrore metuque,  
 Non odio quidam destituere mei.  
 Non illis pietas, non officiosa voluntas  
 Defuit, adversos extimuerunt deos.  
 Utque magis cauti possunt timidique vocari,  
 Sic appellari non meruere mali.  
 At meus excusat caros ita candor amicos,  
 Utque habeant de me crimina nulla, facit.  
 Sint hi contenti venia, signentque licebit,  
 Purgari factum me quoque teste suum.  
 Pars estis pauci melior, qui rebus in arctis  
 Ferre mihi nullam turpe putatis opem.  
 Tunc igitur meriti morietur gloria vestri,  
 Cum cinis absumto corpore factus ero.  
 Fallor, & illa mea superabit tempora vita,  
 Si tamen à memori posteritate legar.  
 Corpora debentur mœstis exsanguia bustis:  
 Effugiunt structos nomen honosque rogos.

.Occidit

Occidit & Theseus, & qui comitavit Oresten :  
Sed tamen in laudes vivit uterque suas.  
Vos etiam seri laudabunt saepe nepotes,  
Claraque erit scriptis gloria vestra meis.  
Hic quoque Sauromata jam vos novere Getaque,  
Et tales animos barbara turba probat.  
Cuique ego de vestra nuper probitate referrem,  
( Nam didici Getice Sarmaticeque loqui. )  
Forte senex quidam, cœtu cum staret in illo,  
Reddidit ad nostros talia verba sonos :  
Nos quoque amicitia nomen bene novimus, hospes.  
Quos procul à vobis alter & orbis habet.  
Est locus in Scythia, Tauros dixere priores,  
Qui Getica longe non ita distat humo.  
Hac ego sum terra, patria nec poenitet, ortus :  
Consortem Phœbi gens colit illa Deam.  
Templa manent hodie vastis innixa columnis,  
Perque quater denos itur in illa gradus.  
Fama refert illic signum cœleste fuisse :  
Quoque minus dubites, stat basis orba Dea.  
Araque, qua fuerat natura candida saxi,  
Decolor affuso tincta cruore rubet.  
Femina sacra facit teda non nupta jugali,  
Qua superat Scythicas nobilitate nurus.  
Sacrifici genus est ( sic instituere priores )  
Advena virgineo casus ut ense cadat.  
Regna Thoas habuit Maotide clarus in ora,  
Nec fuit Euxinis notior alter aquis.  
Sceptra tenente illo, liquidas fecisse per auras  
Nescio quam dicunt Iphigenian iter.  
Quam levibus ventis sub nube per aquora vectam  
Creditur his Phœbe deposuisse locis.  
Præfuerat templo multos ea rite per annos,  
Invita peragens tristia sacra manu :  
Cum duo velifera juvenes venere carina,  
Presseruntque suo littora nostra pede.

Par fuit his *ætas*, & *amor*: quorum alter *Orestes*,  
Alter erat *Pylades*; nomina fama tenet.  
Protinus immitem *Trivia* ducuntur ad *aram*,  
Evincti geminas ad sua terga manus.  
Sparsit aqua captos lustrali *Graja* sacerdos,  
Ambiat ut fulvas insula longa comas.  
Dumque parat sacrum, dum velat tempora vittis,  
Dum tarda causas invenit illa mora:  
Non ego crudelis, juvenes ignoscite, dixit:  
Sacra suo facio barbariora loco.  
Ritus is est gentis: qua vos tamen urbe venitis?  
Quodve parum fausta puppe petistis iter?  
Dixit, & audito patria pia nomine virgo,  
Consortes urbis repperit esse sue.  
Alter ut è vobis, dixit, cadat hostia sacris,  
Ad patrias sedes nuncius alter eat.  
Ire jubet *Pylades* carum periturus *Orestem*,  
Hic negat, inque vicem pugnat uterque mori.  
Exitit hoc unum, quod non convenerat illis,  
Cetera pars concors & sine lite fuit.  
Dum peragunt juvenes pulcri certamen amoris,  
Ad fratrem scriptas exarat illa notas.  
Ad fratrem mandata dabat, cuique illa dabantur,  
( *Humanos casus aspice* ) frater erat.  
Nec mora, de templo rapiunt simulacra *Dianæ*,  
Clamque per immensas puppe feruntur aquas.  
Mirus amor juvenum! quamvis abiere tot anni.  
In *Scythia* magnum nunc quoque nomen habent.  
Fabula narrata est postquam vulgaris ab illo.  
Laudarunt omnes facta piamque fidem.  
Scilicet hic etiam, qua nulla ferocior ora est,  
Nomen amicitia barbara corda movet.  
Quid facere *Ausonia* geniti debetis in urbe,  
Cum tangant diros talia facta *Getas*?  
Adde, quod est animus semper tibi mitis, & alta  
Indicium mores nobilitatis habent.



Quos Volesius patrii cognoscat nominis auctor,  
 Quos Numa maternus non neget esse suos:  
 Adjectique probent genitiva agnomina Cotta,  
 Si tu non esses, interitura domus.  
 Digne vir hac serie, lapso succurrere amico  
 Conveniens istis moribus esse puta.

## ELEGIA III.

Ad Maximum.

SI vacat exiguum profugo dare tempus amico,  
 O sidus Fabia, Maxime, gentis ades.  
 Dum tibi, qua vidi, refero, seu corporis umbra est,  
 Seu veri species, seu fuit ille sopor.  
 Nox erat, & bifores intrabat luna fenestras,  
 Mense fere medio quanta nitere solet.  
 Publica me requies curarum somnus habebat,  
 Fusaque erant toto languida membra toro.  
 Cum subito pennis agitatus inhorruit aër,  
 Et sonuit parvo mota fenestra sono.  
 Territus in cubitum relevo mea membra sinistram:  
 Pulsus & è trepido pectore somnus abit.  
 Stabat Amor vultu, non quo prius esse solebat,  
 Sceptra tenens lava tristis acerna manu.  
 Nec torquem collo, nec habens crinale capillis,  
 Nec bene compositas comtus, ut ante, comas.  
 Horrida pendebant molles super ora capilli:  
 Et visa est oculis horrida penna meis:  
 Qualis in aëria tergo solet esse columba,  
 Tractatam multa quam tetigere manus.  
 Hunc simul agnovi (neque enim mihi notior alter)  
 Talibus affata est libera lingua sonis:  
 O puer, exilii decepto caussa magistro,  
 Quem fuit utilius non docuisse mihi:  
 Huc quoque venisti, pax est ubi tempore nullo,  
 Et coit astrictis barbarus Ister aquis?

*Qua tibi caussa via ? nisi uti mala nostra videres ?*

*Qua sunt, si nescis, invidiosa tibi.*

*Tu mihi dictasti juvenilia carmina primus,*

*Apposui senis, te duce, quinque pedes.*

*Nec me Mæonio consurgere carmine, nec me*

*Dicere magnorum passus es acta ducum.*

*Forstan exiguas, aliquas tamen arcus & ignes*

*Ingenii vires comminuere mei.*

*Namque ego dum canto tua regna, tuaque parentis :*

*In nullum mea mens grande vacavit opus.*

*Nec satis hoc fuerat, stultus quoque carmina feci,*

*Artibus ut posses non rudis esse meis.*

*Pro quibus exilium durum mihi reddita merces,*

*Id quoque in extremis & sine pace locis.*

*At non Chionides Eumolpus in Orpheæ talis,*

*In Phryga nec Satyrum talis Olympus erat.*

*Pramia nec Chiron ab Achille talia cepit :*

*Pythagoræque ferunt non nocuisse Numam.*

*Nomina neu referam longum collecta per ævum,*

*Discipulo perii solus ab ipse meo.*

*Dum damus arma tibi, dum te lascive docemus,*

*Hæc de discipulo dona magister habet.*

*Scis tamen, & liquido juratus dicere posses,*

*Non me legitimos sollicitasse toros.*

*Scripsimus hæc illis, quarum nec vitta pudicos*

*Attingit crines, nec stola longa pedes.*

*Dic. precor, hoc, quando didicisti fallere nuptas,*

*Et facere incertum per mea iussa genus ?*

*An sit ab his omnis rigide summotæ libellis,*

*Quam lex furtivos arcet habere viros ?*

*Quid tamen hoc prodest vetiti si lege severa*

*Credor adulterii composuisse notas ?*

*At tu, sic habeas ferientes cuncta sagittas,*

*Sic nunquam rapido lampades igne vacent :*

*Sic regat imperium, terrasque coerceat omnes*

*Cæsar, ab Ænea qui tibi fratre nepos :*

*Effice,*

Effice, sit nobis non implacabilis ira,  
 Meque loco plecti commodiore velit.  
 Hac ego visus eram puero dixisse volucris.  
 Hos visus nobis ille dedisse sonos:  
 Per, mea tela faces, & per, mea tela, sagittas,  
 Per matrem juro, Casareumque caput.  
 Nil, nisi concessum, nos te didicisse magistro,  
 Artibus & nullum crimen inesse tuus.  
 Utque hoc, sic utinam defendere cetera posses;  
 Scis aliud, quod te laeserit, esse magis.  
 Quicquid id est (neque enim debet dolor ipse referri)  
 Non potes à culpa dicere abesse tua.  
 Tu licet erroris sub imagine crimen obumbres,  
 Non gravior merito judicis ira fuit.  
 Ut tamen aspicerem, consolarerque jacentem.  
 Lapsa per immensas est mea penna vias:  
 Hac loca tum primum vidi, cum, matre rogante,  
 Phasias est telis fixa puella meis.  
 Qua nunc cur iterum post secula longa revisam,  
 Tu facis o castris miles amice meis.  
 Pone metus igitur: mitescet Caesaris ira:  
 Et veniet votis mollior aura tuis.  
 Neve moram timeas, tempus, quod querimus, instat:  
 Cunctaque letitia plena triumphus habet.  
 Dum domus, & nati, dum mater Livia gaudet:  
 Dum gaudes patria magne duci,que pater:  
 Dum tibi gratatur populus, totamque per urbem  
 Omnis odoratis ignibus ara calet.  
 Dum præbet faciles aditus venerabile tempus,  
 Sperandum est nostras posse valere preces.  
 Dixit: & aut ille est tennes dilapsus in auras:  
 Coeperunt sensus aut vigilare mei.  
 Si dubitem, faveas quin his, o Maxime dictis;  
 Memnonio cygnos esse colore putem.  
 Sed neque mutatur nigra pice lacteus humor:  
 Nec quod erat candens, sit terebinthus, ebur.

*Conueniens animo genus est tibi: nobile namque  
 Pectus, & Herculeæ simplicitatis habes.  
 Livor iners vitium, mores non exit in istos,  
 Vtque latens ima vipera serpit humo.  
 Mens tua sublimis supra genus eminet ipsum:  
 Grandius ingenio nec tibi nomen inest.  
 Ergo alii noceant miseris, optentque timeri,  
 Tinctaque mordaci spicula felle gerant:  
 At tua supplicibus domus est assueta iuvandis,  
 In quorum numero me, precor, esse velis.*

## E L E G I A I V.

Ad Rufinum.

**H**Æc tibi non vanam portantia verba salutem  
 Naso Tomitana mittit ab urbe tuus:  
 Vtque suo faveas mandat, Rufine, libello,  
 In vestras venit si tamen ille manus.  
 Est opus exiguum, vestrisque paratibus impar:  
 Quale tamen cunque est, ut tueare, rogo.  
 Firma valent per se, nullumq; Machaona querunt:  
 Ad medicam dubius confugit ager opem.  
 Non opus est magnis placido lectore poetis:  
 Quemlibet invitum difficilemque tenent.  
 Nos, quibus ingenium longi minuere labores,  
 Aut etiam nullum forsitan ante fuit:  
 Viribus infirmi, vestro candore valemus:  
 Quem mihi si demas, omnia rapta putem.  
 Cunctaque cum mea sint propenso nixa favore,  
 Precipuum venia jure habet ille liber.  
 Spectatum vates alii scripsere triumphum:  
 Est aliquid memori visa notare manu.  
 Nos ea vix avidam vulgi captata per aurem  
 Vidimus, atque oculi fama fuere mei.  
 Scilicet affectus similes, aut impetus idem  
 Rebus ab auditis conspicuisque venit?

Nec

Nec nitor argenti quem vos vidistis, & auri  
Quod mihi defuerit, purpuraque illa, queror.  
Sed loca, vel gentes formata mille figuris  
Nutrissent carmen, procliaque ipsa, meum.  
Et regum vultus certissima pignora mentis  
Inuissent aliqua forsitan illud opus.  
Plausibus ex ipsis populi latoque favore  
Ingenium quodvis incaluisse potest.  
Tamque ego sumsissem tali clamore vigorem,  
Quam rudis audita miles ad arma tuba.  
Pectora sint nobis nivibus, glacieque licebit,  
Atque hoc, quem patior, frigidiora loco :  
Illa ducis facies in curru stantis eburno  
Excuteret frigus sensibus omne meis.  
His ego defectus, dubiisque auctoribus usus,  
Ad vestri venio jure favoris opem.  
Nec mihi nota ducum, nec sunt mihi nota locorum  
Nomina : materiam non habuere manus.  
Pars quota de tantis rebus, quam fama referre,  
Aut aliquis nobis scribere posset, erat ?  
Quo magis, ô lector, debes ignoscere, si quid  
Erratum est illic, prateritumve mihi.  
Adde quod assiduas domini meditata querelas  
Ad latum carmen vix mea versa lyra est.  
Vix bona post tanto quarenti verba subibant :  
Et gaudere aliquid res mihi visa nova est.  
Utque reformidant insuetum lumina Solem,  
Sic ad letitiam mens mea segnis erat.  
Est quoque cunctarum novitas gratissima rerum,  
Gratiaque officio, quod mora tardat, abest.  
Cetera certatim de magno scripta triumpho  
Iam pridem populi suspicor ore legi.  
Illa bibit lector sitiens, mea pocula plenus,  
Illa recens pota est, nostra tepebit aqua.  
Non ego cessavi, nec fecit inertia serum :  
Ultima me vasti sustinet ora freti.

Dum venit huc rumor, properataque carmina fiunt,  
 Factaque eunt ad vos: annus abisse potest.  
 Nec minimum refert, intacta rosaria primus,  
 An sera carpas pane relictâ manu.  
 Quid mirum lectis exhausto floribus horto,  
 Si duce non facta est digna corona suo?  
 Deprecor hac, vatum contra sua carmina ne quis  
 Dicta putet: pro se Musa locuta mea est.  
 Sunt mihi vobiscum communia sacra poëta,  
 In vestro miseris si licet esse choro.  
 Magnaque pars animi mecum vixistis amici,  
 Hac ego vos absens nunc quoque parte colo.  
 Sint igitur vestro mea commendata favore  
 Carmina; non possum pro quibus ipse loqui.  
 Scripta placent à morte fere: quia ladere vivos  
 Livor, & inviso carpere dente solet.  
 Si genus est mortis male vivere, terra moratur,  
 Et desunt fatis sola sepulcra meis.  
 Denique opus nostra culpetur ut undique cura,  
 Officium nemo qui reprehendat, erit.  
 Ut desint vires, tamen est laudanda voluntas:  
 Hac ego contentos auguror esse deos.  
 Hac facit, ut veniat pauper quoque gratus ad aras,  
 Et placeat caso non minus agna bove.  
 Res quoque tanta fuit, quanta subsistere summo  
 Æneidos vati grande fuisset onus,  
 Ferre etenim molles Elegi tam vasta triumphî  
 Pondera disparibus non potuere rotis.  
 Quo pede nunc utar, dubia est sententia nobis:  
 Alter enim de te, Rhene, triumphus adest.  
 Irrita votorum non sunt presagia vatum,  
 Danda Iovi laurus, dum prior illa viret.  
 Nec mea verba legis, qui sum summotus ad Istrum,  
 Non bene pacatis flumina pota Getis.  
 Ista Dei vox est: Deus est in pectore nostro,  
 Hoc duce predico vaticinorque Deo.

Quid cessas currum, pompamque parare triumphis,  
 Livia? dant nullas jam tibi bella moras.  
 Perfida damnatus Germania projicit hastas:  
 Iam pondus dices omen habere meum.  
 Crede, brevique fides aderit: geminabit honorem.  
 Filius, & junctis, ut prius, ibit equis.  
 Prome, quod injicias humeris victoribus, ostrum:  
 Ipsa potest solitum, nosse corona caput.  
 Scuta sed, & galea gemmis radientur & auro,  
 Stentque super victos trunca trophæa viros.  
 Oppida turris cingantur eburnea muris:  
 Fictaque res vero more putetur agi.  
 Squallidus immittat fracta sub arundine crines  
 Rhenus, & infectas sanguine potet aquas.  
 Barbara jam capti poscant insignia reges,  
 Textaque fortuna divitiora sua.  
 Et qua præterea virtus invicta tuorum  
 Sæpe parata tibi sæpe paranda facit.  
 Dii, quorum monitu sumus hac ventura locuti;  
 Verba, precor, celeri nostra probate fide.

## ELEGIA V.

Ad Cottam.

QVam legis, unde tibi mittatur epistola, quaris?  
 Hinc, ubi ceruleis jungitur Ister aquis.  
 Ut regio dicta est, succurrere debet & auctor,  
 Lasus ab ingenio Naso poëta suo.  
 Qui tibi, quam mallet præsens afferre salutem,  
 Mittit ab hirsutis, maxime Cotta, Getis.  
 Legimus, ô juvenis patrii non degener oris,  
 Dicta tibi pleno verba diserta foro. (ras  
 Qua, quanquam lingua mihi sunt properante per ho-  
 Lecta satis multas pauca fuisse queror.  
 Plura sed hæc feci relegendo sæpe, nec unquam  
 Hæc mihi, quam primo, grata fuere minus.

Cum-



Cumque sua toties nihil è dulcedine perdant,  
Viribus illa suis, non novitate placent.  
Felices, quibus hac ipso cognoscere in actu,  
Et tam facunda contigit ore frui.  
Nam quanquam sapor est ablata dulcis in unda,  
Gratius ex ipso fonte bibuntur aqua.  
Et magis adducto pomum decerpere ramo,  
Quam de calata sumere lance juvat.  
At, nisi peccassem, nisi me mea Musa fugasset,  
Quod legi, tua vox exhibuisset opus.  
Utque fui solitus: sedissem forsitan unus  
De centum iudex in tua verba viris.  
Major & impleisset praeordia nostra voluptas;  
Dum traherer dictis annueremque tuis.  
Quem quoniam fatum, patria vobisque relictis,  
Inter inhumanos maluit esse Getas:  
Quod licet, ut videar tecum magis esse legendo,  
Saepe precor, studii pignora mitte tui.  
Exemploque meo, nisi dedignaris idipsum,  
Vtere: quod nobis rectius ipse dares.  
Namque ego, qui perii jampridem, Maxime, vobis,  
Ingenio nitor non periisse meo.  
Redde vicem, nec rara tui monumenta laboris  
Accipiant nostrae grata futura manus.  
Dic tamen, ô juvenis studiorum plene meorum,  
Ecquid ab his ipsis admoneare mei?  
Ecquibus aut recitas factum modo carmen amicis?  
Aut (quod saepe soles) exigis ut recitent?  
Interdum quaeritur tua mens oblita quid absit,  
Nescio quid certe sentit abesse tui.  
Utque loqui multum de me praesente solebas,  
Nunc quoque Nasonis nomen in ore tuo est.  
Ipse quidem Getico peream violatus ab arcu,  
Et sit perjuri quam prope poena vides:  
Te nisi momentis video pane omnibus absens;  
Gratia sit menti, quolibet ire licet.



Hac ubi perveni nulli cernendus in urbem,  
 Sape loquor tecum, teque loquente fruor.  
 Tunc mihi difficile est, quam sit bene, dicere, quamq;  
 Candida iudiciis illa sit hora meis.  
 Tunc me, si qua fides cœlesti sede receptum  
 Cum fortunatis suspicor esse deis.  
 Rursus ubi huc redii, cœlum superosque relinquo,  
 A Styge non longe Pontica distat humus.  
 Vnde ego si fato nitior prohibente reverti,  
 Spem sine profectu, Maxime, tolle mihi.

## ELEGIA VI.

Ad Sodalem quendam.

**N**aso suo, posuit nomen cui pane, sodali  
 Mittit ab Euxinis hoc breve carmen aquis.  
 At si cauta parum scripsisset dextra quis esses,  
 Forsitan officio parta querela foret.  
 Cur tamen hoc aliis tutum credentibus, unus  
 Appellent ne te carmina nostra, rogas?  
 Quanta sit in media clementia Caesaris ira,  
 Si nescis, ex me certior esse potes.  
 Huic ego, quam patior, nil possem demere pœne,  
 Si iudex meriti cogerer esse mei.  
 Non vetat ille sui quenquam meminisse sodalis,  
 Nec prohibet tibi me scribere, teque mihi.  
 Nec scelus admittas, si consoleris amicum,  
 Mollibus & verbis aspera fata leves.  
 Cur tum tuta times, facis ut reverentia talis  
 Fiat in Augustos invidiosa deos?  
 Fulminis afflatus interdum vivere telis  
 Vidimus & refici, non prohibente Iove.  
 Nec, quia Neptunus navem lacerarat Vlyssis,  
 Leucothoë nanti ferre negavit opem.  
 Crede mihi, miseris cœlestia numina parcunt,  
 Nec semper laesos & sine fine premunt.

Principe nec nostro Deus est moderatior ullus :  
 Iustitia vires temperat ille suas.  
 Nuper eam Caesar facto de marmore templo ,  
 Iam pridem posuit mentis in ade sua.  
 Iuppiter in multos temeraria fulmina torquet ,  
 Qui pœnam culpa non meruere pati.  
 Obruerit cum tot sevis Deus aquoris undis ,  
 Ex illis mergi pars quota digna fuit ?  
 Cum pereant acie fortissima quaque vel ipso  
 Iudice delectus Martis iniquus erit.  
 At si forte velis in nos inquirere , nemo est ,  
 Qui se , quod patitur , commeruisse neget.  
 Adde , quod extinctos vel aqua , vel Marte , vel igne ,  
 Nulla potest iterum restituisse dies.  
 Restituit multos , aut pœna parte levavit  
 Caesar , & in multis me , precor ; esse velit.  
 At tu , cum tali populus sub principe simus ,  
 Alloquio profugi credis inesse metum.  
 Forsitan hac domino Busiride jure timeres ,  
 Aut solito clausos urere in are viros.  
 Desine mitem animum vano infamare timore :  
 Sæva quid in placidis saxa vereris aquis ?  
 Ipse ego quod scripsi primo sine nomine vobis ,  
 Vix excusari posse mihi videor.  
 Sed pavor attonito rationis ademerat usum ,  
 Cesserat omne meis consiliumque malis.  
 Fortunamque meam metuens , non vindicis iram ,  
 Terrebar titulo nominis ipse mei.  
 Hactenus admonitus memori concede pœta ,  
 Ponat ut in chartis nomina cara suis.  
 Turpe erit ambobus , longo mihi proximus usque  
 Si nulla in libri parte legere mei.  
 Ne tamen iste metus possit tibi rumpere somnos ,  
 Non ultra , quam vis , officiosus ero.  
 Teque tegam , qui sis : nisi cum permiseris ipse ,  
 Cogetur nemo munus habere meum.

*Tu modo, quem poteras vel aperte tutus amare,  
Si res est accepta, illa, laetenter ama.*

## ELEGIA VII.

Ad Amicos.

**V**erba mihi desunt eadem tam saepe roganti,  
Iamque pudet vanas sine carere preces.  
Tadia consimili fieri de carmine vobis,  
Quidque petam cunctos edidicisse reor.  
Nostraque quid portet jam nostis epistola, quamvis  
Charta sit à vinclis non labefacta suis.  
Ergo mutetur scripti sententia nostri,  
Ne toties contra, quam rapit annis, eam.  
Quod bene de vobis speravi, ignoscite amici:  
Talia peccandi jam mihi finis erit.  
Ne gravis uxori dicar, qua scilicet in me  
Quam proba, tam timida est, experiensq; parum:  
Hoc quoque Naso feres: etenim pejora tulisti:  
Iam tibi sentiri sarcina nulla potest.  
Ductus ab armento taurus detrectat aratrum,  
Subtrahit & duro colla novella iugo.  
Nos, quibus assuevit fatum crudeliter uti,  
Ad mala jam pridem non sumus ulla rudes.  
Venimus in Geticos fines: moriamur in illis:  
Parcaque ad extremum, quo mea coepit, eat.  
Spem juvet amplecti, qua non juvat irrita semper;  
Et fieri cupias, si qua futura putes.  
Proximus huic gradus est, bene desperare salutem,  
Seque semel vera scisse perisse fide.  
Curando fieri quadam majora videmus  
Vulnera, qua melius non tetigisse fuit.  
Mitius ille perit, subita qui mergitur unda,  
Quam sua qui liquidis brachia lassat aquis.  
Cur ego concepi Scythicis me posse carere  
Finibus, & terra prosperiore frui?

*Cur aliquid de me speravi lenius unquam ?  
 An fortuna mihi sic mea nota fuit ?  
 Torqueor en gravius, repetitaque forma locorum  
 Exilium renovat triste, recensque facit.  
 Est tamen utilius studium cessare meorum,  
 Quam, quas admorint, non valuisse preces.  
 Magna quidem res est, quam non audetis amici :  
 Sed, si quis peteret, qui dare vellet, erat.  
 Dum modo non nobis hoc Caesaris ira negarit,  
 Fortiter Euxinis immoremur aquis.*

## ELEGIA VIII.

Ad Maximum.

*Q*ua tibi, quarebam, memorem testantia curam  
 Dona Tomitanus mittere posset ager.  
 Dignus es argento, fulvo quoque dignior auro :  
 Sed te, cum donas, ista juvare solent.  
 Nec tamen hac loca sunt ullo preciosa metallo :  
 Hostis ab agricola vix finit illa fodi.  
 Purpura saepe tuos fulgens protexit amictus,  
 Sed non Sarmatico tingitur illa mari.  
 Vellera dura ferunt pecudes : & Palladis uti  
 Arte Tomitane non didicere nurus.  
 Femina pro lana Cerealia munera frangit,  
 Suppositoque gravem vertice portat aquam.  
 Non hic Pampineis amicitur vitibus ulmus :  
 Nulla premunt ramos pondere poma suo.  
 Tristia deformes pariunt absinthia campi,  
 Terraque de fructu, quam sit amara, docet.  
 Nil igitur tota Ponti regione sinistri,  
 Quod mea sedulitas mittere posset, erat.  
 Clausa tamen nisi Scythica tibi tela pharetra :  
 Hoste, precor, fiant illa cruenta tuo.  
 Hos habet hac calamos, hos hac habet ora libellos :  
 Hac viget in nostris, Maxime, Musa locis.

*Quæ quanquam misisse pudet, quia parva videntur,  
Tu tamen hæc, quaeso, consule missa boni.*

## ELEGIA IX.

Ad Brutum.

**Q**uod sit in his eadem sententia, Brute, libellis,  
Carmina, nescio quem, carpere nostra refers.  
Nil, nisi me terra fruatur ut propiore, rogare:  
Et quam sim denso cinctus ab hoste, loqui.  
O quam de multis vitium reprehenditur unum!  
Hoc peccat solum si mea Musa, bene est.  
Ipse ego librorum video delicta meorum,  
Cum sua plus justo carmina quisque probet.  
Auctor opus laudat: sic forsitan Accius olim  
Thersitem facie dixerit esse bona.  
Iudicium tamen hoc nostrum non decipit error:  
Nec, quicquid genui, protinus illud amo.  
Cur igitur, si me videam delinquere, peccem?  
Et patiar scripto crimen inesse, rogas?  
Non eadem ratio est sentire, & demere morbos:  
Sensus inest cunctis, tollitur arte malum.  
Sæpe aliquod verbum cupiens mutare, relinquo:  
Iudicium vires destituuntque meum.  
Sæpe piget (quid enim dubitem tibi vera fateri?)  
Corrigere, & longi ferre laboris onus.  
Scribentem juvat ipse favor, minuitque laborem:  
Cumque suo crescens pectore fervet opus.  
Corrigere at res est tanto magis ardua, quanto  
Magnus Aristarcho major Homerus erat.  
Sic animum lento curarum frigore ledit:  
Ut cupidi si quis frena retentat equi.  
Atque ita dii mites minuant mihi Caesaris iram;  
Ossaque pacata nostra tegantur humo:  
Ut mihi conanti nonnunquam intendere curas,  
Fortuna species obstat acerba mea.

Vix-

*Vixque mihi videor, faciam quod carmina, sanus,  
Inque feris curem corrigere illa Getis.  
Nil tamen est scriptis magis excusabile nostris,  
Quam sensus cunctis pane quod unus inest.  
Lata fere latus cecini: cano tristia tristis:  
Conueniens operi tempus utrumque suo est.  
Quid nisi de vitio scribam regionis amara?  
Vtique loco moriar commodiore, precer?  
Cum toties eadem dicam, vix audior ulli,  
Verbaque profectu dissimulata carent.  
Et tamen hac eadem cum sint, non scribimus iisdem:  
Vnaque per plures ars mea tentat opem.  
Anne, bis ut sensum lector reperiret eundem,  
Vnus amicorum, Brute, rogandus erat?  
Non fuit hoc tanti: confesso ignoscite docti:  
Vilior est operis fama salute mea.  
Denique materia, quam quis sibi finxerit, ipse  
Arbitrio variat multa poeta suo.  
Musa mea est index, nimium quoque vera malorum,  
Atque incorrupti pondera testis habet.  
Non liber ut fieret, sed uti sua cuique daretur  
Litera, propositum curaue nostra fuit.  
Post modo collectas utcunque sine ordine junxi,  
Hoc opus electum ne mihi forte putes.  
Da veniam scriptis, quorum non gloria nobis  
Causa, sed utilitas officiumque fuit.*

P. OVIDII NASONIS  
DE P O N T O  
LIBER QVARTVS.

## ELEGIA I.

Ad Sextum Pompejum.

**A**ccipe Pompei deductum carmen ab illo,  
Debitor est vita qui tibi, Sexte, sua :  
Qui, seu non prohibes à me tua nomina poni,  
Accedet meritis hac quoque summa tuis.  
Sive trahis vultus equidem peccasse fatebor,  
Delicti tamen est caussa probanda mei.  
Non potuit mea mens, esset quin grata, teneri :  
Sit, precor, officio non gravis ira pio.  
O quoties ego sum libris mihi visus in istis  
Impius, in nullo quod legerere loco !  
O quoties, aliis vellem cum scribere, nomen  
Rettulit in ceras inscia dextra tuum !  
Ipse quidem placuit mendis in talibus error :  
Et vix invita est facta litura manu.  
Viderit ad summum, dixi, licet ipse queratur :  
Ah pudet offensam non meruisse prius !  
Da mihi, si quid ea est, hebetantem pectora Lethen  
Oblitus potero non tamen esse tui.  
Idque finas, oro, nec fastidita repellas  
Verba, nec officio crimen inesse putes.  
Et levis hac meritis referatur gratia tantis :  
Sin minus, invito te quoque gratius ero.  
Nunquam pigra fuit nostris tua gratia rebus :  
Nec mihi munificas arca negavit opes.  
Nunc quoque nil subitis clementia territa fatis  
Auxilium vita fertque refertque mea.

Vnde,

Vnde, rogas forsan, fiducia tanta futuri  
 Sit mihi : quod finxit quisque tuetur opus.  
 Ut Venus artificis labor est & gloria Coi,  
 Æquoreo madidas qua premit imbre comas :  
 Arcis ut Actææ vel eburna vel ærea custos,  
 Bellica Phidiaca stat Dea facta manu :  
 Vendicat ut Calais laudem, quos fecit, equorum,  
 Ut similis vera vacca Myronis opus :  
 Sic ego sum rerum non ultima, Sexte, tuarum :  
 Tutelaque feror munus opusque tua.

## E L E G I A I I.

Ad Severum.

**Q**uod legis, ô vates magnorum maxime vatum,  
 Venit ab intonsis usque, Severe, Getis.  
 Cujus adhuc nomen nostros tacuisse libellos,  
 (Si modo permittis dicere vera) pudet.  
 Orba tamen numeris cessavit epistola nunquam  
 Ire per alternas officiosa vices.  
 Carmina sola tibi memorem, testantia curam  
 Non data sunt : quid enim, qua facis ipse, darem ?  
 Quis mel Aristæo, quis Baccho vina Falerna,  
 Triptolëmo fruges, poma det Alcinoos ?  
 Fertile pectus habes : interque Heliconæ colentes,  
 Vberius nulli provenit ista seges.  
 Mittere ad hunc carmen frondes erat addere sylvis :  
 Hac mihi cunctandi causa, Severe, fuit.  
 Nec tamen ingenium nobis respondet, ut ante :  
 Sed sic cum sterili vomere litus aro.  
 Scilicet ut limus tenas excavat in undis,  
 Lasque suppresso fonte resistit aqua :  
 Pectora sic mea sunt limo vitata malorum,  
 Et carmen vena pauperiore fluit.  
 Si quis in hac ipsum terra posuisset Homerum,  
 Esset, crede mihi, factus & ille Getes.



Da veniam fasso, studiis quoque frena remisi :

Ducitur & digitis littera rara meis.

Impetus ille sacer, qui vatum pectora nutrit,

Qui prius in nobis esse solebat, abest.

Vix venit in partes, vix sumpta Musa tabella

Imponit pigras pene coacta manus.

Parvaque, ne dicam, scribendi nulla voluptas

Est mihi nec numerisnectere verba iuvat.

Sive quod hinc fructus adeo non cepimus ullos,

Principium nostri res fuit ista mali.

Sive quod in tenebris numerosos ponere gestus,

Quodque legas nulli, scribere carmen obest.

Excitat auditor studium, laudataque virtus

Crescit, & immensum gloria calcar habet.

Hic mea cui recitem, nisi flavis scripta Corallis,

Quasque alias gentes barbarus Ister habet?

Sed quid solus agam? quaque infelicia perdam

Ocia materia, surripiamque diem?

Nam neque me vinum, nec me tenet alea fallax,

Per qua clam tacitum tempus abire solet.

Nec me, quod cuperem, si per fera bella liceret,

Oblectat cultu terra novata suo.

Quid, nisi Pierides, solatia frigida restant,

Non bene de nobis qua meruere dea?

At tu, cui bibitur felicius Aonius fons,

Utiliter studium, quod tibi cedit, ama.

Sacraque Musarum merito cole: quodque legamus,

Huc aliquod cura mitte recentis opus.

## ELEGIA III.

In amicitiam dissimulantem.

**C**onquerar? an taceam? ponā sine nomine crimen?

An notum quis sis omnibus esse velim?

Nomine non utar, ne commendere querela,

Queraturque tibi carmine fama meo.

Dum mea puppis erat valida fundata carina,  
Qui mecum velles currere, primus eras.  
Nunc, quia contraxit vultum fortuna, recedis,  
Auxilio postquam scis opus esse tuo.  
Dissimulas etiam, nec me vis nosse videri,  
Quisque sit, audito nomine, Naso rogas.  
Ille ego sum, quamquam non vis audire, vetusta  
Pane puer puero junctus amicitia.  
Ille ego, qui primus tua seria nosse solebam,  
Qui tibi jucundis primus adesse jocos.  
Ille ego convictor, densoque domesticus usu,  
Ille ego judicis unica Musa tuis.  
Ille ego sum, qui nunc an vivam, perfide nescis,  
Cura tibi de quo querere nulla fuit.  
Sive fui nunquam carus, simulasse fateris:  
Seu non fingebas, inveniere levis.  
Aut age dic aliquam, qua te mutaverit, iram:  
Nam nisi justa tua est, justa querela mea est.  
Quod te nunc crimen similem vetat esse priori?  
An crimen, coepi quod miser esse, vocas?  
Si mihi rebus opem nullam factisque ferebas,  
Venisset verbis charta notata tribus.  
Vix equidem credo: sed & insultare jacenti  
Te mihi, nec verbis parcere, fama refert.  
Quid facis ah demens? cur, si fortuna recedat,  
Naufragio lacrymas eripis ipse tuo?  
Hac Dea non stabili, quam sit levis, orbe fatetur,  
Que summum dubio sub pede semper habet.  
Quolibet est folio, & quavis incertior aura,  
Par illi levitas, improbe, facta tua est.  
Omnia sunt hominum tenui pendentia filo,  
Et subito casu, qua valere, ruunt.  
Divitis audita est cui non opulentia Cræsi?  
Nempe tamen vitam captus ab hoste tulit.  
Ille Syracosia modo formidatus in urbe,  
Vix humilē duram repulit arte famem.

Quid fuerat Magno majus? tamen ipse rogavit  
 Summissa fugiens voce clientis opem:  
 Cuique viro totus terrarum paruit orbis,  
 Indignus effectus omnibus ipse magis.  
 Ille Iugarthino clarus, Cimbrique triumpho,  
 Quo victrix toties consule Roma fuit;  
 In cæno Marius jacuit cannaque palustri,  
 Pertulit & tanto multa pudenda viro.  
 Ludit in humanis divina potentia rebus,  
 Et certam præsens vix habet hora fidem.  
 Littus ad Euxinum, si quis mihi diceret, ibis,  
 Et metues arcu ne feriare Geta;  
 I, bibe, dixissem, purgantes pectora succos,  
 Quicquid & in tota nascitur Anticyra.  
 Sum tamen hæc passus: nec, si mortalia possem,  
 Et summi poteram tela cavere Dei.  
 Tu quoque fac timeas, & qua tibi lata videntur,  
 Dum loqueris, fieri tristia posse puta.

## ELEGIA IV.

Ad Sextum Pompejum.

Nulla dies adeo est australibus humida nimbis;  
 Non intermissis ut fluat imber aquis.  
 Nec sterilis locus ullus ita est, ut non sit in illo  
 Mista fere duris utilis herba rubis.  
 Nil adeo fortuna gravis miserabile fecit,  
 Ut minuant nulla gaudia parte malum.  
 Ecce domo patriæque carens, oculisque meorum,  
 Naufragus in Getici littoris actus aquis:  
 Qua tamen, inveni, vultum diffundere caussa  
 Possim, fortuna nec meminisse mea.  
 Nam mihi, cum fulva tristis spaciarer arena,  
 Visa est à tergo penna dedisse sonum.  
 Respicio: nec corpus erat quod cernere possem:  
 Verba tamen sunt hæc aure recepta mea.

En ego letarum venio tibi nuncia rerum  
 Fama, per immensas aëre lapsa vias.  
 Consule Pompejo, quo non tibi carior alter,  
 Candidus & felix proximus annus erit.  
 Dixit : &, ut lato Pontum rumore replevit,  
 Ad gentes alias hinc Dea vertit iter.  
 At mihi dilapsis inter nova gaudia curis,  
 Excidit asperitas huius iniqua loci.  
 Ergo ubi, lane biceps, longum reseraveris annum,  
 Pulsus & à sacro mense December erit :  
 Purpura Pompejum summi velabit honoris,  
 Ne titulis quicquam debeat ille suis.  
 Cernere jam videorumpi pene atria turba,  
 Et populum ladi deficiente loco.  
 Templaque Tarpeja primum tibi sedis adiri,  
 Et fieri faciles in tua vota deos.  
 Colla boves niveos certa præbere securi,  
 Quos aluit campis herba Falisca suis.  
 Cumque deos omnes, tum quos impensius equos  
 Esse tibi cupias, cum love Caesar erit.  
 Curia te excipiet, patresque ex more vocati  
 Intendent aures ad tua verba suas.  
 Nos ibi facundo tua vox hilaraverit ore,  
 Utque solet, tulerit prospera verba dies :  
 Egeris & meritas superis cum Casare grates,  
 Qui causam, facias cur ita sepe, dabit.  
 Inde domum repetes, toto comitante senatu,  
 Officium populi vix capiente domo.  
 Me miserum ! turba quod non ego cernor in illa,  
 Nec possunt istis lumina nostra frui.  
 Qua licet absentem, qua possum mente videbo :  
 Aspiciet vultus consulis illa sui.  
 Dii faciant, aliquo subeat tibi tempore nostrum  
 Nomen : &, heu, dicas, quid miser ille facit ?  
 Hac tua protulerit si quis mihi verba, fatebor  
 Protinus exilium mitius esse meum,

## ELEGIA V.

## Ad Elegos.

**I**Te leves elegi doctas ad Consulis aures,  
 Verbaque honorato ferte legenda viro :  
 Longa via est, nec vos pedibus proceditis equis ,  
 Tectaque brumali sub nive terra latet.  
 Cum gelidam Thracen, & opertum nubibus, Æmon,  
 Et maris Ionii transferitis aquas :  
 Luce minus decima dominam venietis in urbem,  
 Ut festinatum non faciatis iter.  
 Protinus inde domus vobis Pompeja petatur :  
 Non est Augusto junctior ulla foro.  
 Si quis, ut in populo, qui sitis, & unde, requirat,  
 Nomina decepta qualibet aure ferat.  
 Ut sit enim tutum, sicut reor esse, fateri,  
 Verba minus certe ficta timoris habent.  
 Copia nec vobis ullo prohibente videndi  
 Consulis, ut limen contigeritis, erit.  
 Aut reget ille suos dicendo jure Quirites,  
 Conspicuum signis cum premet altus ebur :  
 Aut populi reditus positam componet ad hastam,  
 Et minui magna non sinet urbis opes :  
 Aut, ut erunt patres in Iulia templa vocati,  
 De tanto dignis consule rebusaget.  
 Aut feret Augusto solitam, natoque salutem,  
 Deque parum noto consulet officio.  
 Tempus ab his vacuum Casar Germanicus omne  
 Auferet : à magnis hunc colit ille deis.  
 Cum tamen à turba rerum requieverit harum,  
 Ad vos mansuetas porriget ille manus :  
 Quidque parens ego vester agam, fortasse requireret :  
 Talia vos illi reddere verba velim :  
 Vivit adhuc, vitamque tibi debere fatetur,  
 Quod prius à miti Casare munus habet.

*Te sibi, cum fugeret, memori solet ore referre,  
 Barbaria tutas exhibuisse vias.  
 Sanguine Bistonium quod non tepe fecerit enssem,  
 Effectum cura pectoris esse tui.  
 Addita praterea vite quoque multa tuenda  
 Munera, ne proprias attenuaret opes.  
 Pro quibus ut meritis referatur gratia, jurat,  
 Se fore mancipium tempus in omne tuum.  
 Nam prius umbrosa carituros arbore montes,  
 Et freta velivolae non habitura rates:  
 Fluminaque in fontes cursu reditura supino,  
 Gratia quam meriti possit abire tui.  
 Hac ubi dixeritis, servet sua dona, rogate:  
 Sic fuerit vestra causa peracta via.*

## E L E G I A VI.

Ad Brutum.

*Q*uam legis, ex illis tibi venit epistola, Brute,  
 Nasonem nolles in quibus esse, locis.  
 Sed quod tu nolles, voluit miserabile fatum:  
 Hei mihi plus illud, quam tua vota, valet!  
 In Scythia nobis quinquennis Olympias acta est:  
 Iam tempus lustri transit in alterius.  
 Perstat enim fortuna tenax, votisque malignum  
 Opponit nostris invidiosa pedem.  
 Certus eras pro me, Fabia laus maxima gentis,  
 Numen ad Augustum supplice voce loqui:  
 Occidis ante preces: causamque ego, Maxime, mortis,  
 ( Non fueram tanti ) me reor esse tuae.  
 Iam timeo nostram cuiquam mandare salutem:  
 Ipsum morte tua concidit auxilium.  
 Coeperat Augustus decepta ignoscere culpa,  
 Spem nostram, terras deseruitque simul.  
 Quale tamen potui de coelitate, Brute, recenti,  
 Vestra procul positus carmen in ora dedi.

*Qua prosit pietas utinam mihi , sitque malorum  
Iam modus, & sacra mitior ira domus.  
Te quoque idem, liquido possum jurare, precari,  
O mihi non dubia cognite Brute fide.  
Nam cum prastiteris verum mihi semper amorem,  
Hic tamen aduerso tempore treuit amor.  
Quique tuas pariter lacrymas nostrasque videret,  
Passuros pœnam crederet esse duos.  
Lenem te miseris genuit natura , nec ulli  
Mitius ingenium, quam tibi , Brute, dedit.  
Vt quicquid valeas , ignoret Marte forensi,  
Posse tuo peragi vix putet ore reos.  
Scilicet ejusdem est , quamvis pugnare videtur,  
Supplicibus facilem , fontibus esse trucem.  
Cum tibi suscepta est legis vindicta severa,  
Verba velut tinctum singula virus habent.  
Hostibus eveniat , quam sis violentus in armis,  
Sentire, & lingua tela subire tua.  
Quæ tibi tam tenui cura limantur, ut omnes  
Istius ingenium corporis esse negent.  
At, si quem ladi fortuna cernis iniqua,  
Mollior est animo femina nulla tuo.  
Hoc ego præcipue sensi , cum magna meorum  
Notitiam pars est inficiata mei.  
Immemor illorum , vestri non immemor unquam,  
Qui mala sollicitè nostra levatis , ero.  
Et prius hinc nobis nimium conterminus Ister,  
In caput Euxino de mare vertet iter :  
Utque, Thyestæa redeant si tempora mensa ,  
Solis ad Eoas currus agetur aquas :  
Quam quisquam vestrum, qui me doluistis ademptum,  
Arguat ingratum non meminisse sui.*

## E L E G I A   V I I .

Ad Vestalem.

**M**issus es Euxinas quoniam Vestalis ad oras,  
 Vt positus reddas jura sub axe locis :  
 Aspicias en praesens quali jaceamus in arvo,  
 Nec me, testis eris, falsa solere queri.  
 Accedet voci per te non irrita nostra,  
 Alpinis juvenis regibus orte, fides.  
 Ipse vides certe glacie concreescere Pontum :  
 Ipse vides rigido stantia vina gelu.  
 Ipse vides, onerata ferox ut ducat lapyx  
 Per medias Istri plaustra bubulcus aquas.  
 Aspicias & mitti sub adunco toxica ferro,  
 Et telum caussas mortis habere duas.  
 Atque utinam pars hac tantum spectata fuisset,  
 Non etiam proprio cognita Marte tibi.  
 Tendit is ad primum per densa pericula pilum,  
 Contigit ex merito qui tibi nuper honor.  
 Sit licet hic titulus plenus tibi fructibus ingens,  
 Ipsa tamen virtus ordine major erit.  
 Non negat hoc Ister, cujus tua dextera quondam  
 Puniceam Getico sanguine fecit aquam.  
 Non negat Aegyptos, quae te subeunte recepta  
 Sensit in ingenio nil opis esse loci.  
 Nam dubium est, positu melius defensa, manuve,  
 Urbs erat in summo nubibus aqua jugo,  
 Sithonio regi ferus interceperat illam  
 Hostis, & ereptas victor habebat opes :  
 Donec flumine deversa Vitellius unda,  
 Intulit exposito milite signa Getis.  
 At tibi progenies alti fortissima Domni,  
 Venit in adversos impetus ire viros.  
 Nec mora, conspicuus longe fulgentibus armis,  
 Fortia ne possint facta latere, caves.

Ingenti-



Ingentique gradu contra ferrumque locumque,  
 Saxaque brumali grandine plura subis.  
 Nec te missa super jaculorum turba moratur:  
 Nec qua vipereo tela cruore madent.  
 Spicula cum pictis harent in casside pennis,  
 Parsque fere scuti vulnere nulla vacat.  
 Nec corpus cunctos feliciter effugit ictus,  
 Sed minor est acri laudis amore dolor.  
 Talis apud Trojam Danaïs pro navibus Ajax  
 Dicitur Hector eas sustinuisse faces.  
 Ut propius ventum est, admotaque dextera dextra,  
 Resque fero potuit comminus ense geri:  
 Dicere difficile est, quid Mars tuus egerit illic:  
 Quotque neci dederis, quosque, quibusque modis.  
 Ense tuo factas calcabas victor acervos,  
 Impositoque Getes sub pede multus erat.  
 Pugnat ad exemplum primi minor ordine pili:  
 Multaque fert miles vulnera, multa facit.  
 Sed tantum virtus alios tua praterit omnes,  
 Ante citos quantum Pegasus ibat equos.  
 Vincitur Ægyptos, testataque tempus in omne  
 Sunt tua Vestalis carmine facta meo.

## ELEGIA VIII.

Ad Suillum.

**L**ittera sera quidem, studiis exculte Suilli,  
 Huc tua pervenit, sed mihi grata tamen.  
 Qua, pia si posset superos lenire rogando  
 Gratia, laturum te mihi dicis opem.  
 Ut jam nil prestes, animi sum factus amici  
 Debitor, & meritum, velle juvare, voco.  
 Impetus iste tuus longum modo duret in avum,  
 Neve malis pietas sit tua lassæ meis.  
 Ius aliquod faciunt affinia vincula nobis,  
 Quæ semper maneant illabefacta, precor.

Nam tibi qua conjux, eadem mihi filia pane est :  
Et, qua te generum, me vocat illa virum.  
Hei mihi, si lectis vultum tu versibus istis  
Ducis, & affinem te pudet esse meum.  
At nihil hic dignum poteris reperire pudore,  
Præter fortunam, qua mihi caca fuit.  
Seu genus excutias, equites ab origine prima  
Vsq̃ue per innumeros inveniēmur avos.  
Sive velis mores qui sint inquirere nostri,  
Errorem misero detrahe, labe carent.  
Tu modo, si quid agi sperabis posse precando,  
Quos colis, exora supplice voce deos.  
Dii tibi sunt, Caesar juvenis : tua numina placa,  
Hac certe non est notior ara tibi.  
Non sinit illa sui vanas antistitis unquam  
Esse preces : nostris hinc pete rebus opem.  
Quamlibet exigua si nos ea juverit aura,  
Obruta de mediis cymba resurget aquis.  
Tunc ego thura feram rapidis solennia flammis,  
Et, quantum valeant numina, testis ero.  
Nec tibi de Pario statuam, Germanice, templum  
Marmore : carpsit opes illa ruina meas.  
Templa domus facient vobis, urbesque beata :  
Naso suis opibus carmine gratus erit.  
Parva quidem fateor pro magnis munera reddi,  
Cum pro concessa verba salute damus.  
Sed qui quam potuit dat maxima, gratus abunde est :  
Et finem pietas contigit illa suum.  
Nec, qua de parva pauper diis libat acerra,  
Thura minus, grandi quam data lance, valent.  
Agnæque tam lactens, quam gramine pasta Falisco  
Victima, Tarpejos inscit icta focos.  
Nec tamen officio vatum per carmina factō  
Principibus res est aptior ulla viris.  
Carmina vestrarum peragunt præconia laudum :  
Neve sit actorum fama caduca, cavent.

Carmine sit vivax virtus, expersque sepulcri  
 Notitiam sera posteritatis habet.  
 Tabida consumit ferrum lapidemque vetustas :  
 Nullaque res majus tempore robur habet.  
 Scripta ferunt annos : scriptis Agamemnona nosti :  
 Et quisquis contra, vel simul arma tulit.  
 Quis Thebas, septemque duces sine carmine nosset ?  
 Et quicquid post hæc, quicquid & ante fuit ?  
 Dis quoque carminibus, si fas est dicere, sunt :  
 Tantaque majestas ore canentis eget.  
 Sic Chaos ex illa natura mole prioris  
 Digestum partes scimus habere suas :  
 Sic affectantes cœlestia regna Gigantes  
 Ad Styga nubifero vindicis igne datos.  
 Sic victor laudem superatis Liber ab Indis,  
 Alcides capta traxit ab Oechalia.  
 Et modo Cæsar avum, quem virtus addidit astris,  
 Sacrarunt aliqua carmina parte tuum.  
 Si quid adhuc igitur vivi, Germanice, nostro  
 Restat in ingenio, serviet omne tibi.  
 Non potes officium vatis contemnere vates :  
 Iudicio precium res habet ista tuo.  
 Quod nisi te nomen tantum ad majora vocasset,  
 Gloria Pieridum summa futurus eras.  
 Sed dare materiam nobis, quam carmina mavis :  
 Nec tamen ex toto deferere illa potes.  
 Nam modo bella geris, numeris modo verba coërces,  
 Quodque aliis opus est, hoc tibi lusus erit.  
 Vique nec ad citharam, nec ad arcum segnis Apollo,  
 Sed venit ad sacras nervus uterque manus :  
 Sic tibi nec docti desunt, nec principis artes :  
 Mista sed est animo cum Iovē Musa tuo.  
 Quia quoniam nec nos unda submovit ab illa,  
 Vngula Gorgonei quam cava fecit equi :  
 Profit, opemque ferat communia sacra tueri,  
 Atque iisdem studiis imposuisse manum :

*Littora pellitis nimium subjecta Corallis,  
 Ut tandem sevos effugiamque Getas.  
 Clausaque si misero patria est, ut ponar in illo,  
 Qui minus Ausonia distat ab urbe, loco.  
 Vnde tuas possim laudes celebrare recentes,  
 Magnaque cum minima facta referre mora.  
 Tangat ut hoc votum cœlestia, care Suilli,  
 Numina, pro socero pœne precare tuo.*

## B L E G I A I X.

*Ad Græcinum.*

**V***Nde licet, non unde juvat, Gracine, salutem  
 Mittit ab Euxinis hanc tibi Naso vadis.  
 Missaque, dii faciant, auroram occurrat ad illam,  
 Bis senos fasces quæ tibi prima dabit.  
 Et quoniam sine me tanges Capitolia consul,  
 Et fiam turba pars ego nulla tua:  
 In domini subeat partes, & præstet amici  
 Officium jussu littera nostra die.  
 Atque ego si fatis essem melioribus ortus,  
 Et mea sincero curreret axe rota.  
 Quo nunc nostra manus per scriptum fungitur, esset  
 Lingua salutandi munere functa tui:  
 Gratatusque darem cum dulcibus oscula verbis:  
 Nec minus ille meus, quam tuus esset honor.  
 Illa ( confiteor ) sic essem luce superbus,  
 Ut caperet fastus vix domus ulla meos.  
 Dumque latius cinget sancti tibi turba senatus,  
 Consulis ante pedes ire juberer eques.  
 Et quanquam cuperem semper tibi proximus esse,  
 Gauderem lateris non habuisse locum.  
 Nec querulus, turba quamvis eliderer, essem:  
 Sed foret à populo tum mihi dulce premi.  
 Prospicerem gaudens, quantus foret agminis ordo,  
 Densaque quam longum turba teneret iter.*

*Quoque*

Quoque magis noscas quam me vulgaria tangant,  
Spectarem qualis purpura te teget.  
Signa quoque in sella, nossem formata curuli,  
Et totum Numida sculptile dentis opus.  
At cum Tarpejas esses deductus in arces,  
Dum caderet jussu victima sacra tuo:  
Me quoque secreto grates sibi magnus agentem  
Audisset, media qui sedet ade Deus.  
Thuraque mente magis plena quam lance dedissem,  
Ter quater imperii latus honore tui.  
Hic ego praesentes inter numerarer amicos,  
Mitia jus urbis si modo fata darent.  
Quaque mihi sola capitur nunc mente voluptas,  
Tunc oculis etiam percipienda foret.  
Non ita coelitibus visum est, & forsitan equis:  
Nam quid me poena caussa negata juvet?  
Mente tamen, qua sola loco non exulat, utar:  
Prætextam, fasces aspiciamque tuos.  
Hac modo te populo reddentem jura videbit:  
Et se secretis finget adesse tuis.  
Nunc longi reditus hasta supponere lustris  
Credet, & exacta cuncta locare fide.  
Nunc facere in medio facundum verba senatu,  
Publica querentem quid petat utilitas.  
Nunc pro Caesaribus superis decernere grates.  
Albæve opimorum colla ferire bouum.  
Atque utinam, cum jam fueris potiora precatus,  
Vt mihi placetur principis ira, roges.  
Surgat ad hanc vocem plena pius ignis ab ara:  
Detque bonum voto lucidus omen apex.  
Interea qua parte licet, ne cuncta queramur,  
Hic quoque te festum consule tempus agam.  
Altera letitia est, nec cedens caussa priori:  
Successor tanti frater honoris erit.  
Nam tibi finitum summo, Gracine, Decembri  
Imperium lani suscipit ille die.

Quaeque est in vobis pietas, alterna feretis  
 Gaudia: tu fratris fascibus, ille tuis.  
 Sic tu bis fueris consul, bis consul & ille:  
 Inque domo binus conspicietur honor. (mo  
 Qui quanquam est ingens, & nullum Martia sum-  
 Altius imperium consule Roma videt:  
 Multiplicat tamen hunc gravitas auctoris honorem,  
 Et majestatem res data dantiis habet.  
 Iudiciis igitur liceat Flaccoque tibi que  
 Talibus Augusti tempus in omne frui.  
 Cum tamen à rerum cura propiore vacabit,  
 Vota, precor, votis addite vestra meis.  
 Et si qua dabit aura sinum, jactate rudentes,  
 Exeat à Stygiis ut mea navis aquis.  
 Praesuit his, Gracine, locis modo Flaccus, & illo  
 Ripa ferox Istri sub duce tut a fuit.  
 Hic tenuit Mysas gentes in pace fideli,  
 Hic arcu fisos terruit ense Getas.  
 Hic raptam Trœzen celeri virtute recepit,  
 Infecitque fero sanguine Danubium.  
 Quare loci faciem, Scythicique incommoda cali,  
 Et quam vicino terrear hoste, roga;  
 Sint ne lita tenues serpentis felle sagittæ;  
 Fiat an humanum victima dira caput:  
 Mentiar, an coëat duratus frigore Pontus,  
 Et teneat glacies jugera multa freti.  
 Hæc ubi narrarit, qua sit mea fama, require:  
 Quoque modo peragam tempora dura, roga.  
 Nec sumus hic odio, nec scilicet esse meremur:  
 Nec cum fortuna mens quoque versa mea est.  
 Illa quies animi est, quam tu laudare solebas,  
 Ille vetus solito perstat in ore pudor.  
 Sic ego sum longe, sic hic, ubi barbarus hostis,  
 Ut fera plus valeant legibus arma, facit.  
 Rem queat ut nullam tot jam, Gracine, per annos  
 Femina de nobis, virve puerve queri,

Hac facit, ut misero faveant adsintque Tomitæ,  
Hac quoniam tellus testificanda mihi est.  
Illi, qui me velle vident, discedere malunt :  
Respectu cupiunt hic tamen esse sui.  
Nec mihi credideris : extant decreta, quibus nos  
Laudat, & immunes publica cera facit.  
Conveniens miseris & quanguam gloria non est,  
Proxima dant nobis oppida munus idem.  
Nec pietas ignota mea est : videt hospita terra  
In nostra sacrum Cæsaris esse domo.  
Siant pariter, natusque pius, conjuxque sacerdos,  
Numina jam facto non leviora Deo.  
Neu desit pars ulla domus, stat uterque nepotum,  
Hic avia lateri proximus ille patris.  
His ego do toties cum thure precantia verba,  
Eo quoties surgit ab orbe dies.  
Tota, licet quaras, hoc me non fingere dicet  
Officii testis Pontica terra mei.  
Pontica me tellus quantis hac possumus ora  
Natalem ludis scit celebrare Dei.  
Nec minus hospitibus pietas est cognita talis,  
Misit in has si quos longa Propontis aquas.  
Is quoque, qua levior fuerat sub praside Pontus,  
Audierat frater forsitan ista tuus.  
Fortuna est impar animo, talique libenter  
Exiguas carpo munere pauper opes.  
Nec vestris damus hac oculis, procul urbe remoti,  
Contenti tacita sed pietate sumus.  
Et tamen hac tangent aliquando Cæsaris aures ;  
Nil illum, toto quod fit in orbe, latet.  
Tu certe scis hac superis adscite, videsque  
Cæsar, ut est oculis subdita terra tuis.  
Tu nostras audis, inter convexa locatus  
Sidera, sollicito quas damus ore, preces.  
Pervenient illuc & carmina forsitan illa,  
Qua de te misi cœlite facta novo.



*Auguror his igitur flecti tua numina, nec tui  
Immerito nomen mite parentis habes.*

## E L E G I A X.

*Ad Albinovanum.*

**H**ic mihi in Euxino bis tertia ducitur aëtas  
Littore, pellitos inter agenda Getas.  
Et quos tu silices? & quod charissime ferrum  
Duritia confers Albinovane mea?  
Gutta cavat lapidem, consumitur annulus usu:  
Et teritur pressa vomer aduncus humo.  
Tempus edax igitur, præter nos, omnia perdit:  
Cessat duritia mors quoque victa mea.  
Exemplum est animi nimium patientis Vlysses,  
Iactatus dubio per duo lustra mari.  
Tempora solliciti sed non tamen omnia fati  
Pertulit, & placida sæpe fuere mora.  
An grave sex annis pulcræ fovisse Calypso?  
Æquoreaue fuit concubuisse Dea?  
Excipit Hippotades, qui dat pro munere ventos,  
Curvet ut impulsos utilis aura sinus.  
Non bene cantantes labor est audire puellas,  
Nec degustanti lotos amara fuit.  
Hos ego, qui patria faciant obliviam, succos  
Parte mea vitæ, si modo dentur, emam.  
Nec tu contuleris urbes Lastrygonis unquam  
Gentibus, obliqua quas obit Ister aqua.  
Nec vincet Cyclops sævum feritate Phylacem,  
Qui quota terroris pars solet esse mei?  
Scylla ferox trunco cum latret ab inguine monstris,  
Endochia nobis plus nocuere rates.  
Nec potes infestis conferre Charybdin Achaïs,  
Ter licet epotet, ter vomat illa fretum.  
Qui quanquam dextra regione licentius errant,  
Securum latus hoc non tamen esse sinunt.



Hic agri infrondes, hic spicula tincta venenis,  
 Hic freta vel pediti pervia reddit hyems.  
 Et qua remus iter pulsus modo fecerat undis;  
 Siccus contempta nave viator eat.  
 Qui veniunt istinc, vix vos ea credere dicunt:  
 Quam miser est, qui fert asperiora fide?  
 Crede tamen, nec te caussam nescire sinemus;  
 Horrida Sarmaticum cur mare duret hyems.  
 Proxima sunt nobis plaustri praeentia formam,  
 Et qua praecipuum sidera frigui habent.  
 Hic oritur Boreas, oraque domesticus huic est,  
 Et sumit vires à propiore loco.  
 At Notus, adverso tepidus qui spirat ab axe,  
 Est procul, & rarus languidiorque venit.  
 Adde, quod hic clauso miscentur flumina Ponto;  
 Vimque fretum multo perdit ab amne suam.  
 Huc Lycus, huc Sagaris, Penensq<sub>3</sub>, Hypanisq<sub>2</sub> Crates-  
 Influit, & crebro vortice tortus Halys. (que  
 Partheniusque rapax, & volvens saxa Cynapes  
 Labitur, & nullo tardior amne Tyras.  
 Et tu feminea Thermodon cognite turba,  
 Et quondam Grajis Phasi petite viris.  
 Cumque Borysthenio liquidissimus amne Dyrapses,  
 Et tacite peragens lene Melanthus iter.  
 Quique duas terras Asiam Cadmique sororem  
 Separat, & cursus inter utranque facit:  
 Innumerique alii, quos inter maximus omnes  
 Cedere Danubius se tibi Nile negat.  
 Copia tot laticum, quas auget, adulterat undas;  
 Nec patitur vires equor habere suas.  
 Quin etiam stagno similis, pigraque paludi,  
 Caruleus vix est, diluiturque color.  
 Innatat unda freto dulcis, leviorque marina est,  
 Quae proprium misto de sale pondus habet.  
 Si roget hac aliquis, cur sint narrata, Pedoni,  
 Quidve loqui certis juverit ista modis.

Detinui, dicam, curas tempusque fefelli:  
 Hunc fructum praesens attulit hora mihi.  
 Absuimus solito, dum scripsimus ista, dolore,  
 In mediis nec nos sensimus esse Getis.  
 At tu, non dubito, cum Thesea carmine laudes,  
 Materia titulos quin tueare tua.  
 Quemque refers imitere virum: vetat ille profecto  
 Tranquilli comitem temporis esse fidem.  
 Qui quanquam est factis ingens, & conditur à te,  
 Vix tanto, quanto debuit ore cani.  
 Est tamen ex illo nobis imitabile quiddam,  
 Inque fide Theseus quilibet esse potest.  
 Non tibi sunt hostes ferro clavaque domandi,  
 Per quos vix ulli pervius Isthmos erat:  
 Sed praestandus amor, res non onerosa volenti:  
 Quis labor est puram non temerasse fidem?  
 Hac tibi qui perstas indeclinatus amico,  
 Non est quod lingua dicta tremante putes.

## E L E G I A X I.

Ad Gallionem.

**G**allio, crimen erit vix excusabile nobis,  
 Carmine te nomen non habuisse meo.  
 Tu quoque enim (memini) caelesti cuspide facta  
 Fovisti lacrymis vulnera nostra tuis.  
 Atque utinam, rapti jactura laesus amici,  
 Sensisses ultra, quod quererere, nihil.  
 Non ita diis placuit, qui te spoliare pudica  
 Conjuge crudeles non habuere nefas.  
 Nuncia nam luctus mihi nuper epistola venit,  
 Lectaque cum lacrymis sunt tua damna meis.  
 Sed neque solari prudentem stultior ausim,  
 Verbaque doctorum nota referre tibi:  
 Finitumque tuum, si non ratione, dolorem  
 Ipsa jam pridem suspicor esse mora.

*Dum tuā pervenit, dum littera nostra recurrens  
 Tot maria & terras permeat, annus abit.  
 Temporis officium solatia dicere certi est.  
 Dum dolor in cursu est, dum petit ager opem.  
 At cum longa dies sedavit vulnera mentis,  
 Intempestive qui movet illa, novat.  
 Adde, quod (atq; utinam verum tibi venerit omen)  
 Conjugio felix jam potes esse novo.*

## ELEGIA XII.

Ad Tuticanum.

**Q**uo minus in nostris ponaris, amice, libellis,  
 Nominis efficitur conditione tui.  
*Ast ego non alium prius hoc dignarer honore:  
 Est aliquis nostrum si modo carmen honos.  
 Lex pedis officio, fortunaque nominis obstat:  
 Quaque meos adeas, est via nulla, modos.  
 Nam pudet in geminos ita nomen scindere versus,  
 Desinat ut prior hoc, incipiatque minor.  
 Et pudeat si te qua syllaba parte moretur,  
 Arctius appellem, Tuticanumque vocem.  
 Et potes in versum Tuticani more venire,  
 Fiat ut è longa syllaba prima brevis.  
 Aut ut ducatur, qua nunc correptius exit,  
 Et sit porrecta longa secunda mora.  
 His ego si vitiis ausim corrumpere nomen,  
 Ridear, & merito peccatus habere neger.  
 Hac mihi caussa fuit dilati muneris hujus,  
 Quod meus adjecto fenore reddet ager.  
 Teq; canam quacunq; nota: tibi carmina mittam,  
 Pene mihi puero cognite pane puer.  
 Perque tot annorum seriem, quot habemus uterque,  
 Non mihi quam fratri frater amate minus.  
 Tu bonus hortator, tu duxque, comesque fuisti,  
 Cum regerem tenera frana novella manu.*

Sape

*Sape ego correxi sub te censore libellos,  
 Sape tibi admonitu facta litura meo est.  
 Dignum Mæoniis Phæacida condere chartis  
 Cum te Pierides perdociere dea.  
 Hic tenor; hac viridi concordia cæpta juventa  
 Venit ad albentes illabefacta comas.  
 Quæ nisi te moveant, duro tibi pectora ferro  
 Esse, vel invicto clausa adamante putem.  
 Sed prius huic desint & bellum & frigora terra,  
 Invisus nobis quæ duo Pontus habet:  
 Et tepidus Boreas, & sit præfrigidus Auster,  
 Et possit fatum mollius esse meum:  
 Quam tua sint lapsa præcordia dura sodali;  
 Hic cumulus nostris absit, abestque malis.  
 Tu modo per superos, quorum certissimus ille est,  
 Quo tuus assidue principe crevit honor:  
 Effice, constanti profugum pietate tuendo,  
 Ne sperata meam deserat aura ratem.  
 Quid mandem quaris? peream, nisi dicere vix est,  
 Si modo, qui periit, ille perire potest.  
 Nec quid agam invenio, nec quid nolimve, velimve:  
 Nec satis utilitas est mea nota mihi.  
 Crede mihi, miseros prudentia prima relinquit,  
 Et sensus cum re consiliumque fugit.  
 Ipse, precor, quæræ, quæ sim tibi parte juvandum;  
 Quove viam facias ad mea vota vado.*

## E L E G I A   X I I I.

Ad Carum.

**O** *Mihi non dubios inter memorande sodales,  
 Qui quod es id vere, Care, vocaris, ave.  
 Vnde saluteris, color hic tibi protinus index,  
 Et structura mei carminis esse potest.  
 Non quia mirifica est, sed non quod publica certe:  
 Qualis enim cunque est, non latet esse meam.*

Ipse

Ipse quoque, ut titulum charta de fronte revellas,  
Quod sit opus videor dicere posse tuum.  
Quamlibet in multis positus noscere libellis,  
Perque observatas inveniere notas.  
Produnt auctorem vires, quas Hercule dignas  
Novimus, atque illi, quem canis, esse pares.  
Et mea Musa potest proprio deprensa colore  
Insignis vitiiis forsitan esse suis.  
Tam mala Therpsiten prohibebat forma latere;  
Quam pulcra Nireus conspiciendus erat.  
Nec te mirari, si sunt vitiosa, decebit  
Carmina, quæ faciam pæne pœta Getes.  
Ah pudet, & scripsi Getico sermone libellum:  
Structaque sunt nostris barbaræ verba modis.  
Et placui, gratare mihi: cœpique pœta  
Inter inhumanos nomen habere Getas:  
Materiam quæris? laudes de Casare dixi,  
Adjuta est novitas numine nostra Dei.  
Nam patris Augusti docui mortale fuisse  
Corpus, in ætherias numen abisse domos.  
Esse parem virtute patri, qui fræna rogatus  
Sæpe recusati cœperit imperii.  
Esse pudicarum te Vestam, Livia, matrum;  
Ambiguum est nato dignior, anne viro.  
Esse duos juvenes firmæ adjumenta parentis,  
Cui dederint animi pignora certa sui.  
Hæc ubi non patria perlegi scripta camœna,  
Venit & ad digitos ultima charta meos:  
Et caput, & plenas omnes movere pharetras:  
Et longum Getico murmur in ore fuit.  
Atque aliquis, scribas hæc cum de Casare, dixit;  
Cæsaris imperio restituendus eras.  
Ille quidem dixit: sed me jam, Care, nivali  
Sexta relegatum bruma sub axe videt.  
Carmina nil prosunt: nocuerunt carmina quondam;  
Primaque tam misera causâ fuere fuga.

At tu per studii communia fœdera sacri,  
 Per non vile tibi nomen amicitiae.  
 Sic capto Latius Germanicus hoste catenis,  
 Materiam vestris praebeat ingeniis :  
 Sic valeant pueri, votum commune duorum,  
 Quis laus formandis est tibi magna datis :  
 Quanta potes, praebe nostra monumenta saluti,  
 Quae nisi mutato nulla futura loco est.

## E L E G I A    X I V .

Ad Teuticanum.

**H**Æc tibi mittuntur, quæ sum modo carmine que-  
 Non aptū numeris nomen habere meis. (Ius  
 In quibus excepto quod adhuc utcunque valemus,  
 Nil me præterea quod juvet invenies.  
 Ipsa quoque est in visâ salus, suntque ultima vota,  
 Quolibet ex istis scilicet ire locis.  
 Nulla mihi cura est, terra quo muter ab ista,  
 Hac quoque, quam video, gratior omnis erit.  
 In medias Syrtes, mediam mea vela Charybdin  
 Mittite, præsentī dum careamus humo.  
 Styx quoque, si quid ea est, bene commutabitur Isthos  
 Si quid & inferius, quam Stygia, mundus habet.  
 Gramina cultus ager, frigus minus odit hirundo,  
 Proxima Marticulis quam loca Naso Getis.  
 Talia succensent propter mihi verba Tomitæ,  
 Iraque carminibus publica mota meis.  
 Ergo ego cessabo nunquam per carmina ladi?  
 Plectar & incauto semper ab ingenio?  
 Ergo ego ne scribam, digitos incidere cunctor?  
 Telaque adhuc demens, quæ nocuere, sequor?  
 Ad veteres scopulos iterum divertor : & illas,  
 In quibus offendit naufraga puppis, aquas.  
 Sed nihil admisi : nulla est mea culpa, Tomitæ :  
 Quos ego, cum loca sim vestra perosus, amo.

Quilibet excutiat nostri monumenta laboris,  
Littera de vobis est mea quæstæ nihil.  
Frigus, & incursus omni de parte timendos,  
Et quod pulsetur murus ab hoste, queror.  
In loca, non homines, verissima crimina dixit  
Culpatis vestrum vos quoque sæpe solum.  
Esset perpetuo sua quam vitabilis Ascræ,  
Ausæ est agricola Musa docere senis.  
At fuerat terra genitus, qui scripsit, in illa:  
Intumuit vati non tamen Ascræ suo.  
Quis patriam solerte magis dilexit Vlyssæ?  
Hoc tamen asperitas indice dicta loci est.  
Non loca, sed mores scriptis vexavit amaris  
Sceptius Ausonios, actaque Roma rea est.  
Falsa tamen passa est aqua convicia mente:  
Obfuit auctori nec fera lingua suo.  
At malus interpretæ populi mihi concitat iram,  
Inque novum crimen carmina nostra vocat.  
Tam felix utinam, quam pectore candidus, essem,  
Extat adhuc nemo saucius ore meo.  
Adde, quod Illyrica si jam pice nigrior essem,  
Non mordenda mihi turba fidelis erat.  
Molliter à vobis mea sors excepta, Tomita,  
Tam mites Grajos indicat esse viros.  
Gens mea Peligni, regioque domestica Sulmo,  
Non potuit nostris lenior esse malis.  
Quem vix incolumi cuiquam salvoque daretis,  
Is datus à vobis est mihi nuper honor.  
Solus adhuc ego sum vestris immunis in oris,  
Exceptis, si qui munera legis habent.  
Tempora sacrata mea sunt velata corona,  
Publicus invito quam favor imposuit.  
Quam grata est igitur Latona Delia tellus,  
Erranti tutum quæ dedit una locum:  
Tam mihi cara Tomus, patria quæ sede fugatis  
Tempus ad hoc nobis hospita fida manet.



*Dii modo fecissent, placida spes posset habere  
Pacis, & à gelido longius axe foret.*

## E L E G I A   X V .

*Ad Sextum Pompejum.*

**S***I quis adhuc usquam nostri non immemor extat,  
Quidve relegatus Naso, requirat, agam :  
Casaribus vitam, Sexto debere salutem  
Me sciat : à superis hic mihi primus erit.  
Tempora nam misera complectar ut omnia vita,  
A meritis ejus pars mihi nulla vacat :  
Qua numero tot sunt, quot in horto fertilis arvi  
Punica sub lento cortice grana rubent.  
Africa quot segetes, quot Tmolia terra racemos,  
Quot Sicyon baccas, quot parit Hybla favos.  
Confiteor ; testere licet, signate Quirites :  
Nil opus est legum viribus, ipse loquor.  
Inter opes, & me, rem parvam, pone paternam :  
Pars ego sum census quantulacunque tui.  
Quam tua Trinacria est, regnataq; terra Philippo,  
Quam domus Augusto continuata foro :  
Quam tua riu; oculis domini Campania gratum,  
Quaeque relicta tibi, Sexte, vel emta tenes :  
Tam tuus en ego sum : cujus te munere tristi  
Non potes in Ponto dicere habere nihil.  
Atque utinam possis, & detur amicus arvum,  
Remque tuam ponas in meliore loco.  
Quod quoniam in Diis est, tenta lenire precando  
Numina, perpetua quae pietate colis.  
Erroris nam tu, vix est discernere, nostri  
Sis argumentum majus, an auxilium.  
Nec dubitans oro, sed flumine saepe secundo  
Augetur remis cursus euntis aqua.  
Et pudet, & metuo semperque eademque precari,  
Ne subeant animo tedia iusta tuo.*

*Verum*



*Verum quid faciam? res immoderata cupido est:  
 Da veniam vitio mitis amice meo.  
 Scribere saepe aliud cupiens delabor eodem,  
 Ipsa locum per se littera nostra rogat.  
 Seu tamen effectus habitura est gratia, seu me  
 Dura jubet gelido Parca sub axe mori:  
 Semper inoblita repetam tua munera mente:  
 Et mea me tellus audiet esse tuum.  
 Audiet, & cælo posita est quæcunque sub ullo,  
 Transit nostra feros si modo Musa Getas.  
 Teque mea caussam servatoremque salvis,  
 Meque tuum libra norit & are minus.*

## E L E G I A X V I.

## Ad Invidum.

**I***nvide, quid laceras Nasonis carmina rapti?  
 Non solet ingeniis summa nocere dies.  
 Famaque post cineres major venit: & mihi nomen  
 Tunc quoque, cum vivis annumerarer, erat.  
 Cum foret & Marsus, magnique Rabirius oris,  
 Iliacique Macer, si Terentiusque Peto.  
 Et, qui lunonem lassisset in Hercule, Carus,  
 Lunonis si jam non gener ille foret.  
 Quique dedit Latio carmen regale Severus,  
 Et cum subtili Priscus uterque Numa.  
 Quique vel imparibus numeris, Montane, vel aequis  
 Sufficis, & gemino carmine nomen habes.  
 Et qui Penelope rescribere jussit Vlysssem  
 Errantem sævo per duo lustra mari.  
 Quique suam Træzen, imperfectumque dierum  
 Deseruit celeri morte Sabinus opus.  
 Ingeniique sui dictus cognomine Largus  
 Gallica qui Phrygium ducit in arva senem.  
 Quiq; canit domito Camerinus ab Hectore Trojam,  
 Quique sua nomen Phyllide Thuscus habet.  
 De Ponto. E Velivoo.*

*Velivolique maris vates, cui credere posses*  
*Carmina caruleos composuisse Deos :*  
*Quique acies Libycas, Romanaque praelia dixit :*  
*Et Marius scripti dexter in omne genus.*  
*Trinacriusque sua Perseidos auctor & aëtor,*  
*Tantalida reducis, Tyndaridosque Lupus.*  
*Et qui Maoniden Phaacida vertit, & una*  
*Pindarica fidicen tu quoque Ruse lyra.*  
*Musaque Turani tragicis innixa cothurnis,*  
*Et tua cum socco Musa Melisse levis.*  
*Cum Varius Gracchusq; darent fera dicta tyranni,*  
*Callimachi Proculus molle teneret iter :*  
*Tityrus antiquas & erat qui pasceret herbas,*  
*Aptaque venandi Gratius arma daret.*  
*Najadas à Satyris caneret Fontanus amatas :*  
*Clauderet imparibus verba Capella modis :*  
*Cumque forent alii, quorum mihi cuncta referre*  
*Nomina longa mora est, carmina vulgus habet :*  
*Essent & juvenes, quorum, quod inedita causa est,*  
*Appellandorum nil mihi juris adest.*  
*Te tamen in turba non ausim, Cotta, silere.*  
*Pieridum numen, presidiumque fori.*  
*Maternos Cottas cui, Messallasque paternos*  
*Maxima nobilitas ingeminata dedit.*  
*Dicere si fas est, claro mea nomine Musa,*  
*Atque inter tantos, qua legèretur, erat.*  
*Ergo summotum patria proscindere livor*  
*Desine, neu cineres sparge, cruenta, meos.*  
*Omnia perdidimus : tantummodo vita relicta est,*  
*Præbeat ut sensum materiamque malis.*  
*Quid juvat extinctos ferrum demittere in artus ?*  
*Non habet in nobis jam nova plaga locum.*